

BOITSEBAGATŠO BJA

KRISTE MO MABAKENG OHLE

 Ka kgonthe ke tšea wo go ba monyetla wo mobotse go ba mo bošegong bjo. Ke lekga la ka la mathomo ke eba fa ka go toropokgolo ye kaone ye ya Birmingham. Oo, ke nyakile go tla, makga a mantši. Eupša go no bonala o ka re e šoma go dikologa, gomme Morena o na le dinako tša Gagwe Mong di beilwe bakeng sa dilo, kafao ke ka mokgwa wo A e šomilego. Re leboga nako ye, le bakeng sa bathekgi ka mašeleng ba bakaone ba.

² Gomme bjale bošegong bjo ke mohuta wa... Ka mehla re na le mohuta wa bo-bo bošego bja go tlwaelana. Gomme, le a tseba, ge o le ka moagong ka mokgwa wo, moo go lego... ga se wa šomišwa bakeng sa ditirelo tša kereke, ga ke nagane. Ke a kwešiša ke bobolokelo. Go molaleng e no ba moterelo, le go bapala dipapadi, le go ya pele. Ga e swane le go tla ka kerekeng. Moo o... Ke dumela gore ka kerekeng o na le Moya wa Modimo o fao, gomme go bonala o ka re feela maikutlo a makgethwa. Eupša ge o etla ka lefelong moo go nago le mathabo, gomme dinako tše dingwe go ya pele, ka gona go bonala o ka re go bothata go thoma lebakana, go fihla re tsebana seng sa ren. Gomme, ka gona, ren a bohole re a tlaba, yo motee go yo mongwe, go e dira mohuta wa... Gabotse, re a lebelela le go makala. Eupša ge re no leka go tloša seo, feela ka pela ka mo go kgonegago.

³ Gomme—gomme e nong go elelwa re mo go direla Morena Jesu. Re mo go dira se re ka kgonago, se sengwe le se sengwe re ka kgonago, go tšwetšapele Mmušo wa Gagwe. Gomme ke bea matsapa a ka pele. Gomme nka—nka se kgone go e dira ke nnoši. Go tla tšea thušo ya lena le thušo ya ka, le ka thušo ya Modimo, gomme le Yena re tla kgona go bona letago la Modimo le etla fase le go re etela. Gomme seo ke se re se nyakago gabotse, seo ke se re lego mo ka sona, ke ketelo go tšwa go Modimo.

⁴ Bjale ga re ba bantši ka palo, gomme ga re ne mašaba a magolo kudu. Re ka se dule botelele kudu. Gomme selo se sengwe, ke... Molaetša wa ka kudukudu go batho ba Ebangedi ya go tlala. O godimo ga bona motheo, le ge yo mongwe le yo mongwe a etla.

⁵ Re rapelela balwetši. Gomme ga re tleleime go ba mofodiši goba yo mongwe a ka kgona go fodisa yo mongwe. Re a dumela gore go na le mofodiši yo motee feela, yoo ke Modimo. Eupša re a dumela gore O beile motho go rapelela balwetši, gomme re dira seo. Re rapelela balwetši. Gomme Morena o bile mogau go ren, go araba dithapelo tša ren, makga a mantši kudu.

Gomme rena, go dikologa lefase, re bone, gabotse, re no atiša dikete atiša ka dikete tša batho, digole, bahlokofatšwa, difofu, dihlotsa, digole, ba fodišwa. Gomme re no dumela gore re no... gore, "O gobaditšwe ka baka la dikarogo tša rena; ka megogoma ya Gagwe re fodišitšwe." Gomme re a dumela gore yeo ke go holega, woo ke monyetla wa, go badumedi.

⁶ Bjale, ga se go basedumele. Batho ba re, "Gabotse, ga—ga ke dumele seo se ka direga." Gabotse, e ka se tsoge ya direga go wena. E no—e no fediša seo, e ka se tsoge ya direga go wena. Eupša go tla ba go ba ba dumelago, ka gore ke feela go badumedi.

⁷ Bjale seo ga se re dire mofodiši, go no se swane le go rera phološo go re dira Mophološi. Re—re a tseba gore go na le mofodiši yo motee le Mophološi yo motee, gomme yoo ke Motho wa go swana mong, Jesu Kriste. Re mo go Mo tagafatša go batho.

⁸ Bjale, tsošeletšo ga se tlwa go oketša maloko a maswa go kereke. Tsošeletšo e tsošološa seo le šetšego le na le sona. Gomme dinako tše dingwe ke maketše gore tsošeletšo ke ya eng.

⁹ Se se ka no kwagala go se tlwaelege gannyane, go mosetsebje go wena, go bolela se. Eupša ke be ke eme lešing la letsha, letšatši le lengwe, ka Letsheng la Michigan. Ke be ke bogetše maphotho, ka fao a tliego ka gare le go ya ntle, gomme a taboga. Oo, e be e le diphefo tše boima di foka, gomme—gomme maphotho a be a betha kgole ka moyeng, le go runya godimo le fase, le go pshikologa ka gare le go tla morago ntle, le go pshikologa ka gare gape. Ke naganne, "Nna, a tsošeletšo!" Eupša, le a tseba, ga go sa na meetse ka go letsha lela go feta go le ge le phelegile ka go phethagala le go homola. Yeo ke nnete. Le no ba le bokaalo bja meetse a go swana. Le a bona?

¹⁰ Ka gona ke a makala, gabaneng letsha lela le hiduegile gohle? Go no swana le ge re hiduega ka tsošeletšong. Re fehla gohle. Le tseba se ka mehla e se dirago go letsha, go le bjalo? E a le hlwekiša. E hlatswa matlakala ohle ntle lešing. Kafao ke ka lebaka leo re swanetše go ba le tsošeletšo; go tloša gosedumele gohle le dilo go rena, gore re kgone go bona go hlaka kudu se Modimo a re nyakago. Seo ke se re se letelago nako ye, ke tsošeletšo magareng ga batho.

¹¹ Bjale, bathekgi ka mašeleng ba ka, Ngwanešu Urshan, banešu ba fa, gomme ka kgonagalo ba bangwe ba dutšego ntle fale. Bjale, ke badiredi ba Modimo, go no swana le nna goba badiredi bohole ba bangwe. Gomme...

¹² Jesu o rile, nako ye nngwe, "Mmušo wa Legodimo o swana le monna yo a tšerego lokwa gomme a ya letsheng. Gomme ge a lahletše lokwa ka gare, o le gogetše ntle, gomme ka kua o bile le mehuta yohle." Lokwa la Ebangedi le swara mehuta yohle, bjale, mehuta yohle ya hlapi. Le a bona, ka kgonagalo tše dingwe tša tšona di be di le, a ke re, e be e le dimpšameetse, tše dingwe tša tšona di be di le disephente, tše dingwe ttša tšona digokgo, tše

dingwe dipshinyaleraga, le—le go ya pele, gomme tše dingwe tša tšona di bd di le hlapi ya kgonthe. Kafao, ga re tsebe se re se swarago ka go lokwa, re no ba re inola.

¹³ Gomme bjale ke a tla . . . Dikinolo tše pedi di tla fihla kgojana go feta kinolo, gomme ke tla go bea lokwa la ka. Ke kgogolo. Re a e bitša, godimo kgojana ka Leboa, *kinolo*. Gomme ke tla go—go logaganya lokwa la ka le malokwa a bona, malokwa a lena. Gomme a re lahleleng kgolekgole, bokgole bjo re ka kgonago. Gomme re bee malokwa a rena mmogo, le dipelo tša rena mmogo, le matsapa a rena mmogo, gomme a re gogeleng ka gare, go bona ge eba go ne hlapi tsoko yeo Mong a ka e šomišago. Gomme Yena ke Yena Yo a ahlolago yeo. Ga re tsebe. Tšohle di lebega go swana go rena. Di nno swarwa ka go lokwa. Eupša Modimo o tseba ke bomang, le go ba tseba go tloga mathomong. Kafao re no ba bagogodi, ga re baahlodi go ahlola yo a lego le yo a sego. Re no ba re gogola, kafao ke fa go le thuša.

¹⁴ Gomme bjale beke ye, ke a rapela, ke ya mogaleng, ke bitše yo mongwe, le go ba laletša godimo go kereke, godimo go ya go bobolokelo fa. Re no ba le nako ye kopana. Go tšhoga, go dira batho go tšhoga ge o no ba ka nako o tlwaelanago, gomme batho ba a dudišega, morago o swanetše go ya felotsoko gape.

¹⁵ Ka mehla ke be ke makala, dinako tše dingwe, ge—ge nka se kgone, le lengwe la matšatši a, re na le tente gomme ra tla ka gare go dikologa toropokgolo ye kgolo ka mokgwa wo le go e bea godimo, gore re kgone go dula dibekе tše mmalwa; le go ba le kopano ya badiredi mosong, le go kopana le badiredi bohole le go ahlaahla selo.

¹⁶ Gomme ke a tshepa gore Morena o tla šegofatša matsapa a rena beke ye. Ke a tshepa gore go ka se be le koloyana e tee, goba setulo sa bagolofadi, e ka ba eng e lego, e šetšego fa; goba motho yo motee wa go babja ka bothata bja pelo, TB, kankere; eupša se Morena Jesu a tla se fodišago. Ke tla be ke rapela.

¹⁷ Ga ke etele kudu, ka gore, le a tseba, mohuta wo wa bodiredi. Ga se boka ga ke nyake go etela. Eupša ke gore nka—nka—nka se kgone go direla Modimo gomme morago motho, ka nako ye e swanago. Ke swanetše go dula go nnamong le go rapela. Gomme ke tla be ke le direla seo. Gomme le tla be le dira karolo ye nngwe, le etla mmogo le go tliša batho ka gare, le go ya pele, le go tliša balwetši le batlaisegi; le go nthapediša, yo mongwe le yo mongwe o a nthapediša. Ke ka mokgwa wo re thopago phenyo.

¹⁸ Bjale feela mohuta wa go bea motheo wa se re lekago go se dira. Rena, lefelo la pele, ga re emele kerekela e ka ba efe; ga re kgahlanong le kerekela e itšego, eupša feela ga re emele ye e itšego. Re ema . . .

¹⁹ Ke hlomamištšwe, Missionary Baptist. Gomme ka gona ke neetše karata ya ka ya kopanelo, e sego kopanelo le baena ba ka, feela gore ke se emelwe magareng ga dihlopha e ka ba dife.

Ke tlie godimo ka go Pentecostal, ge ke ile go rapelela balwetši gomme ke rometšwe go dira bjalo. Ke tlie godimo magareng ga Pentecostal, gomme ka hwetša, ka gopola gore go be go no ba sehlopha se tee sa bona, eupša ka hwetša gore go na le dihlopha tše ntši fao bjalo ka ge go le Baptist, tša go fapania. Kafao ke—ke bone ba be ba ngangana, gomme ba be ba ngangana ka go Baptist, ka *se, sela, le se sengwe*, kafao ke no ba lesa ba ngangana.

²⁰ Gomme ke tla leka go bea matsogo a rena go dikologa yo mongwe le yo mongwe, le go re, “Rena bohole re baena. A re nong go direla Morena.” Gomme khuetšo ye nnyane ye nka kgonago go ba le yona, ga ke e bee godimo ga kerekelina e ka ba efe, feela godimo ga Kriste. Gomme fao re... Gomme re leka go Mo direla ka tsela yeo.

²¹ Yo mongwe le yo mongwe o laleditšwe, ga go kgathale. Yo mongwe le yo mongwe o amogetšwe. Ge feela o itshwara le go ba taolong, gobaneng, o no amogelwa ka mo o kgonago go ba.

²² Bjale, selo se sengwe, ke tshepedišo ya rena ya go rapelela balwetši. Bjale, letšatši le lengwe le le lengwe, Ngwanešu Borders, goba Terry, goba Ngwanešu Sothmann, goba Billy Paul goba... Ka mehla, ke Billy Paul. Woo ke mošomo wa gagwe. Gomme ge a ka se kgone go fihla mo, e tla ba yo mongwe wa banna ba bangwe ba tla be ba efa dikarata tša thapelo letšatši le lengwe le le lengwe. Ba dira seo; ba tla fase, ba tšea dikarata tša thapelo, lekgolo la tšona, gomme ba di hlakanya ka moka, thwi pele ga mahlo a lena, gomme morago ba fa batho dikarata, ba ba nyakago e tee. Bjale letšatši le lengwe le le lengwe ba dira seo. Kafao seo, ge la mathomo re thoma, re hweditše gore le swanetše go ba le dikarata tša thapelo. Ga se arena, le a tseba, le kgoromeletšana seng sa lena. Ke... O swanetše go ba le yona ka lenaneo.

²³ Gomme ka gona re hweditše yo mongwe a leka go rekiša dikarata tša thapelo, le go kgonthišetša batho go emeleta, sefaleng. Gomme kafao, seo, re ile ra swanela go emiša seo. Gomme ka gona ke beile morwa wa ka mong godimo ga seo, gobane ke tsebile o be a ka se rekiše e tee.

²⁴ Ka gona kgopolo ya tla godimo, “Mphe karata ye e itšego ya thapelo. O ya go thoma kae go ba rapelela, bošegong bjo?” Gomme ka gona, “Ke—ke ya go rapela... Ke nyaka karata *yeo* ya thapelo.” Gabotse, go dira mošemane yola kgonthe gore, aowa, ga a tsebe moo mothalo wola wa thapelo o yago go thoma, o hlakanya dikarata, gomme ka gona a le neela. Ga a tsebe ke efe a go neelago. O no go fa karata ya thapelo. Yo motee a ka hwetša nomoro tee, yo mongwe a hwetša masometlhano, gomme—gomme ka gona go ya pele.

²⁵ Gomme go kgonthišiša seo, ke a theoga mo bošegong, gomme ga go motho, gomme ga ke tsebe, nnamong, moo ke tla thomago go bitša tšona dikarata tša thapelo go tšwa gona. Nka no thoma

go tee, gomme nka no thoma go tloga ka masomepedi tlhano. Nka no thoma go tloga go masomešupa tlhano goba lekgolo, gomme ka šomela morago; lesometshela, gomme ka ya pele gomme morago bomorago. Mang kapa mang yo a kilego a ba ka kopanong, o a tseba re e dira ka tsela yeo, feela morago le pele, kae kapa kae.

²⁶ Gomme, ka gona, letšatši le lengwe le le lengwe. Sa pele, re ya tlase le go fa dikarata tšohle tša thapelo, letšatši la pele; ka gona bosetlaboswana e ka ba bafe ba tsenago, ba šitwa go hwetša karata ya thapelo, yeo e e rumme, ga se ba ke ba rapelelwla lebakeng la kopano. Eupša bjale re a di neela, letšatši le lengwe le le lengwe, gore e ka ba mang a nyakago karata ya thapelo a ka ba le e tee. Mohlomongwe bošego bjo bongwe ga re ye go tšona tšohle, eupša, swara karata ya gago, re tla fihla go yona pele re tloga.

²⁷ Bjale, eupša go ne ba bantši, ba bantši ba fodilego ntle ka batheeletšing, bontši go feta ba lego fale ba fodile go feta ge ba le mo sefaleng. Ke tumelo ya gago ye e dirago phodišo. Ga se thapelo ya rena. Thapelo ya rena e tla thuša, ga go pelaelo. Bohle re tla mmogo, go le rapelela, e tla thuša. Gomme ge . . .

²⁸ Gomme ka gona ka Lamorena morago ga sekgalela, Morena ge a rata, re tla be re rapelela yo mongwe le yo mongwe, re tšea dikarata tša bona tša thapelo le go rapelela bohole; goba mohlomongwe Mokibelo bošego, yo motee, go ya le gore ke ofe yo motee wa baena a nyakago re e dira.

²⁹ Gomme bjale re nyaka go bolela se gore le tle le kwešiše. Lebaka le ke beilego mothalo wola wa thapelo go tloga, go kopana le motho yo mongwe le yo mongwe, ke ka baka la kokwane ya ka, maikemišetšo a ka—a ka, ke a, gore batho ba tla amogela Kriste bjalo ka mofodiši wa bona ntle le yo mongwe a bea diatla godimo ga bona.

³⁰ Ka mehla, o tšea moebangedi, o tla toropongkgolo, gabotse, yena ke—yena ke se sengwe le se sengwe ka kerekeng. Ge a tloga, dinako tše dingwe phuthego e lebelela modiša wa bona, gomme ya re, “Gabotse, go reng ka modiša wa ka?” Ke nyaka le tsebe gore modiša wa lena ke monna wa bomodimo, gomme ke nyaka le be le ditlhompho le go tseba gore monna yola o nno hlomamišwa go rapelela balwetši bjalo ka ge e ka ba mang gape a hlomamišitšwe. Gomme re—re nyaka lena . . . gomme—gomme ka . . .

³¹ Gale, maikaelelo a rena, gagolo, ke go lena go bona Bogona bja Jesu Kriste, le go tseba gore O fa. Gomme ka gona, ge o sa le ka Bogoneng bja Gagwe, e no Mo amogela bjalo ka Mophološi wa gago le Mofodiši wa gago. Ge o se wa phološwa, Mo amogele bjalo ka Mophološi. Ge o phološitšwe, gomme o se wa fola, gona Mo amogele bjalo ka Mofodiši wa gago. Gona ga go yo a ka kgonago go re, “Ngwanešu *Semangmang* o beile diatla godimo ga ka.”

Aowa. O beile diatla godimo ga Gagwe, gona seo ke kgwekgwe ya selo. Bjale ke nyaka le bee seo ka monaganong, nako yohle. Ke lena le beago ya lena... go Mo kgwatha. Gomme Beibele e boletše, gore, “Yena ke Moprista yo Mogolo yo a kgonago go kgwathwa ke maikutlo a mefokolo ya rena.” Gomme bjale elelwang seo, ke wena o Mo kgwathago. E sego...

³² Modiša o na le tokelo ya go Bea diatla godimo. Bea... E sego feelsa modiša. “Maswao a a tla latela bona ba ba dumelago,” badumedi feelsa, mang kapa mang o Bea diatla godimo ga balwetši, o na le tokelo ya go dira seo. Ke go itswalanya ka bowena le motho, ka thapelo. Go no swana le ge o Bea diatla tša gago, ka tumelo, godimo ga Kriste, gomme o itswalanya ka bowena le Sehlabelo sa gago. Kafao elelwang seo bjale ge—ge beke e eya pele, gomme rapelang ka tlhokofalo.

³³ Bjale, ke nagana seo se no nyakile go e khupetša bjale. Gomme ka gona bošego bjo bongwe le bjo bongwe re leka go tšwa ka pela, feelsa ka pela ka fao re ka kgonago. Bjale, re a thoma bjale ka metsotso ye masomepedi tlhano go fihla go senyane, ka sešupanako sa ka. Gomme ge Morena a rata, re nyaka go tšwa bošego bjo bongwe le bjo bongwe ka masometharo a senyane, goba mohlomongwe pele, gore le kgone go ba le nako ye ntši, go ya magaeng a lena le go bowe morago. Bjale ge o se wa rapelelwa, goba o sa e sware bosego bja mathomo...

³⁴ Bodiredi bja ka bo ka no ba bo sego bja tlwaelega gannyane go wena. Eupša ge bo sa tlwaelega, o se ke wa no bo lahlela kgole lehlakoreng le tee. Dula fase gomme o bo seme; tšea Beibele. Bjale, ke a dumela gore Modimo a ka dira dilo tše A sego a ke a di ngwala mo ka Beibeleng, eupša ke Mo nyaka feelsa... Ge A ka no boloka se A se ngwadilego *Fa*, ke tla kgotsofala ka sona.

³⁵ Gobane, re phela ka matšatšing a mehuta yohle ya dilo tša go tlaba, diism tše o sego tša mangwalo. Eupša, le a tseba, ka matšatšing a Noage... Jesu o rile, “Bjalo ka ge go bile ka matšatšing a Noage.” Le a tseba, batho mohlomongwe ba agile dikepe ka go wona matšatši, ge eba di be di agilwe ke Modimo goba aowa, eupša ga se tša phaphamala ge nako e etla go sona go phaphamala. Kafao ke rata Molaetša go agwa ke Modimo ka Mangwalo, Molaetša wa Lengwalo, gomme thwi fao le Wona, se sengwe le se sengwe ka Lengwalo. Ke O RIALO MORENA, gona. Gomme e swanetše go ema, gobane, ga se lentšu la ka leo le lego potšisong, e tla ba Lentšu la Gagwe le le lego potšisong. E tliše go tšwa Lengwalong!

³⁶ Gomme re ka go lebaka la phetogo. Re a fetoga bjale. Gomme phetogo ye nngwe le ye nngwe, go no swana le go aga moago, o tla khoneng, o swanetše go dira woo go kobega, go—go a tlaba. Yo mongwe le yo mongwe o nyaka go kitima thwi go otloga go theoga; o tla no ba le leboto le tee le legolo. Eupša re aga moago. Gomme re tla dikhoneng, gomme o swanetše go fetola, dikhona

tšeо. Bjalo ka ge Ngwanešu Don Price gabotse kudu, o . . . gomme o e boletše gabotse e sego telele go fetile. Go diphetogo ke moo bothata bo tlago, moo . . . Go bothata khoneng yeo, go dira, go sega khona yeo le go e dira feela gabotse.

Bjale feela pele re bala Lentšu . . .

³⁷ Bošego bjo bongwe le bjo bongwe, Ngwanešu Borders ke molaodi wa tšhemong, gomme gape o bolela sefaleng.

³⁸ Gomme Ngaka Lee Vayle o mo felotsoko. Ke a thanka o fihlile mo. O kopane le nna ka Kentucky, ke otela dimaele tše masometharo ka iri, ke šwahlela Ford ye nngwe. Gomme ka fao, go tla tlase, gomme ka kopana le yena. Gomme ke momo mokgokaganyi wa setšhaba. O tla be a bolela, ke a thanka, felotsoko ka kopanong, letšatši le lengwe le le lengwe. Ka fao ge go le dipotšišo tše di itšego goba eng kapa eng, ka baka la eng, botšišang Ngwanešu Vayle, o tla kgona go le thuša ka dipotšišong tše. Go lokile. Bjale ge re . . . [Ga go selo go theipi—Mor.]

³⁹ Pele re bala Lentšu, ke na le setlwaedi sa gore re eme ge re bala Lentšu la Modimo. Re a ema ge re raloka *The Star-Spangled Banner*, le go ena go botega, gobaneng re sa eme ge re bala Lentšu la Modimo!

⁴⁰ Ke ya go bala bošegong bjo go tšwa go Bahebере, tema ya 13, go thoma ka temana ya 1.

A nke lerato la boena le tšwelepele.

Le se lebale go thabiša baeng: ka gore ka seo ba bangwe ba thabišitše barongwa ba sa lemoge.

Elelwang bona ba ba lego ka ditlemong, bjalo ka ditlemo le bona; le bona ba ba tlaišegilego, bjalo ka ge le bile lenabeng ka mmeleng.

Lenyalo a le hlompšhe ka gohle, gomme malao a se tšhilafatšwe: eupša megarigašana le diotswa Modimo o tla ba ahlola.

A nke poledišano ya lena e be ntle le go duma; gomme le kgotsofale ka dilo tše bjalo ka ge le na le tšona: ka gore o rile, Nka se tsoge ka le tlogela, goba go le lahla.

Gore ka sebete re re, Morena ke mothuši wa ka, gomme nka se boife se motho a tla ntirago.

Gopolang bona ba ba . . . le bušago, ba ba boletšego le lena lentšu la Modimo: tumelo ya bona le e latele, le hlokomela bofelo bja dipoledišano tša bona.

Jesu Kriste wa go swana maabane, . . . lehono, le go ya go ile.

⁴¹ A re inamišeng dihlogo tša rena feela nakwana, bakeng sa thapelo. Bjale ka dihlogo tša rena le dipelo tša rena di inamišitšwe, ke no makala ge eba go tla ba dikgopelo tše dingwe bošegong bjo, o ka rata go gopolwa, a o ka no phagamišetša

diatla tša gago godimo go Modimo, wa re, ka seo, “Nkgopole, O Morena.” Ke a go leboga.

⁴² Tate wa rena wa Legodimong, ge re batamela Terone Kgethwa ya Gago, Leineng la go lekanelo gohole la Morena Jesu, Yo a rilego, “Ge le kgopela Tate eng kapa eng ka Leina la Ka, e tla fiwa.” Gomme re thabetše tshepišo yeo kudu, go tsebeng se, gore tumelo ya rena e gatelela thwi ntle bjale mošola wa meriti yohle ya pelaelo, go tsebeng gore rena, ka tumelo, re bolela ka sebele le Ramaatlakamoka Modimo. Ka gore, ke tshepišo. Gomme gape go boletšwe, “Kae kapa kae ba babedi goba ba bararo ba kgobokanego Leineng la Ka, fao Ke magareng ga bona.”

⁴³ Bjale yo mongwe le yo mongwe wa rena o na le kgopelo, Morena, ge re phagamišetša diatla tša rena go Wena. Wena o tseba se se lego ka dipelong tša rena, ka tlase ga seatla sa rena. Gomme re a rapela gore O tla re araba, Morena. E sego gore re ne maswanedi a karabo, eupša ka gobane O tshepišitše go araba. O rile O tla e fa. Gomme ke a tseba O tla e dira, ka gore O—O Modimo yo mogolo yo a dirilego magodimo le lefase, le Moahlodi wa magodimo ohle le lefase. Gomme a O ka bolela se sengwe seo O ka se se dirego gabotse? A go be kgole le Modimo wa go dira se bjalo ka sela. Se se hlaelao, ke tumelo ya rena go se dumela.

⁴⁴ Gomme re a rapela, Morena, gore bošego bjo bo tla—bo tla tutuetša tumelo ya rena bjalo le go e kgoromeletsa ntle ka go lefelo le le bjalo leo re tla sepelago le lona, Morena, ka godimo ga dikwešišo. Gore, re ka se leke go kwešiša; re tla no dumela. “Gomme tumelo ke kholofelo ya dilo tše re di holofelago, le bohlatse bja dilo tše re sa kgonego go di bona goba go di netefatša.” Re no e dumela, gomme e . . . Modimo o e dira e direge.

⁴⁵ Gomme re a rapela, Tate, gore fao, gore—gore Barongwa ba Modimo ba tla ema mojako wo mongwe le wo mongwe, le mothalo wo mongwe le wo mongwe wa ditulo, le se—se setulong se sengwe le se sengwe; gomme ba kgodiša badiradibe, gore—gore ba, ba—ba phošo, gomme a nke ba amoge Morena Jesu, gona. Gomme bao ba se nago kolobetšo ka Moya; a nke Moya wo Mokgethwa o we ge re sa bolela, gomme ge Bogona bja Kriste bo le kgonthe kudu. E fe, Morena. Re a rapela gore go ka se be le wa go fokola magareng ga rena. A nke motho yo mongwe le yo mongwe yo a tsenago mejako ye, Morena, a šušumetšege kudu ka tumelo gore ba tla fodišwa, yo mongwe le yo mongwe.

⁴⁶ Šegofatša badiredi ba, Morena, dikereke tše go kgabola naga. A nke, ka lebaka la matsapa a magolo a ao batho ba ba a beilego pele. . . Batho ba bannyane ke rena, eupša, go le bjalo, Morena, batho ba ba hlokokfetšego le go leka go swara Tumelo yela yeo e kilego ya fiwa bakgethwa gatee, ka bogareng bja leswiswi. A nke fao go tle tsošletšo ya feſene ya kgale, yeo ke, e no phatlogela ntle go kgabola dikereke mogohle, gomme bakgethwa ba ba

swerwego ke tlala ba thoma go llela ntle, gomme badiradibe ba tswalwe ka Mmušong wa Modimo, bjalo ka bakgethwa. E fe, Morena. Woo ke morero wa rena. Seo ke se se lego ka dipelong tša rena. Re leka go dira se bakeng sa tlhompho ya Gago, Morena, ka gore re a tseba gore ga re ne botelele kudu go dula.

⁴⁷ Re bona lefase le roromela le go šikinyega gape, gomme ka Labohlano le Lebotse, boka le dirile mengwaga ye makgolo a lesomesenyane ya go feta ka Labohlano le Lebotse. Gomme O rile go tla ba le ditšhišinyego tša lefase mafelong a go fapania. Re bona maswao ohle a tšwelela, gomme re a tseba nako e kgauswi.

⁴⁸ Kafao, Morena, re nyaka go šoma ge re sa kgona, gobane, ge bophelo bo fedile, ga re sa šoma gape. Gomme re a rapela, Tate wa Magodimong, gore re tla bea pele matsapa a rena ka nako ye. Gomme ge kopano e eya go histori, a nke re ikwele gore re dirile bokaonekaone bjo re ka kgonago. E fe, Morena. Šegofatša baena ba ka, mogohle. Šegofatša bohle bjale bao ba tla tlago ka kopanong, le bao ba tla kwago. Ka gore re e kgopela Leineng la Jesu. Amene.

Le ka dula. Ke a go leboga, ngwanešu.

⁴⁹ Ke nyaka go tsea sehlogo bošegong bjo, feela ge nka se bitša sehlogo, polelo ye nnyane ye female, le go bitšwa, Jesu... Kriste, a ke re, o tsebagaditšwe ka go mabaka ohle. Ka mantšu a mangwe: *Boitsebagatšo Bja Kriste Mo Mabakeng Ohle*.

⁵⁰ Gobane, Bahebere 13:8 e rile, “O a swana maabane, lehono, le go ya go ile.” Gomme re nyaka go—go bona, ka fao dinakong tša go feta, se A bego a le sona. Bjale, re bolela kudu ka Yena, gomme seo ke se re lego fa go se dira bjale ke go bolela ka Yena. Gomme bjale, ge A swana maabane, lehono, le go ya go ile, gomme—gomme ge A bonwe le go tsebjia ka go bomaabane, gona gobaneng go se lehono? Ge A ka be a bonwe le go tsebjia, le go tsebagatšwa mo matšatšing a a fetilego, gona gobaneng re sa dire selo sa go swana lehono?

⁵¹ Re a hwetša, Motho yo mogolo yo, ga go yo motee a bego a ka kgona go kwa ka Yena ntle le ge ba—ba nyaka go hwetša go fetiša ka Yena. Go na le se sengwe ka Yena! Leina lela la Jesu Kriste, go no se be leina le lengwe, ga go gona, leo le gogago batho ka mokgwa woo. Ke se sengwe ka Lona!

⁵² Monna, ke, o a tseba o tšwa mošola. Gomme garetene ye ntsho ya moriti ye e lekeletšego gare ga gagwe le mo a bego a le gona pele a etla mo, gomme o a tseba o swanetše go ya ka morago ga garetene yeo. Gomme ka mehla o nyaka go tseba mo a tšwago, se a lego sona, le mo a yago. Re na le dimilione tša dibolumo tše di ngwadilwego, ke a nagana, go taba. Eupša go na le Puku e tee feela, gomme yeo ke ya... Yeo ke dibolumo tše masometshela tshela ka Boyona, yeo e ka kgonago go go botša mo o tšwago, o mang, le mo o yago, gomme yeo ke Beibele ye. Ke Lentšu le le go botšago mo o tšwago, o mang, le mo o yago.

⁵³ Batho ba bantši kudu ba na le dikgopoloo tše ntši tša go fapano ka Kriste, gomme gagolo ka letšatšing le leo re nago le lona bjale.

Re na le ba bangwe ba bona ba ba Mo tšeago feela bjalo ka morutiši yo mogolo.

⁵⁴ Gomme, O be a le, eupša O be a feta morutiši yo mogolo. Le a bona? O be a le. Ga se gwa ke gwa tsoge gwa ba monna yo a boletšego boka Yena, eupša O be a feta feela morutiši yo mogolo. Eupša seo se bonala kudu go swana le filosofi ye kgolo magareng ga tše ntši tša dikereke lehono, go no Mo hlomphabjalo ka morutiši, yo a sega a tsoge a ruta boka Yena pele. “O no ba yo mogolo, rahistori yo mobotse wa kgale, goba morutiši, a ke re, go tloga matšatšing a a fetilego. Thuto ya gagwe e lokile, gomme o ka kgona go dumela karolo ya yona, gomme karolo ya yona o ka se kgone. Eupša O be a le rafilosofi ka nnete!” Ka mantšu a mangwe, ba Mo sema selo se sengwe sa go swana le Confucius, ra—ra rafilosofi wa Mochina wa mengwaga ye mentši ye makgolo ya go feta. Bjale, O be a feta morutiši. O—O feta seo.

Ka gona ba bangwe, ka Yena, ba nagana ka Yena e no ba monna wa go loka.

⁵⁵ Gabotse, O—O be a le monna wa go loka, O be a le Monna wa go loka a nnoši yoo ka kgonthe re kilego ra ba le yena, e bile Yena. Go be go swanetše go ba Monna yo motee wa go loka go hwela rena monna yo mobe, go—go re dira ba go loka, e sega ka mabokgoni a rena; ka se Monna yo motee wa go loka a se dirilego, o lopolotše sehlopha sohle sa rena, le a bona.

⁵⁶ Gomme e tla ba bošilo bjang, ka morago ga tsela e tee e nnoši ya topollo, gomme peakanyo e tee feela e dirilwego, gomme morago wa gana yeo. Seo e tla ba se—se selo sa phošo go dira, go gana tsela e nnoši, peakanyo e nnoši; yeo ke Modimo, peakanyo ya Modimo. Go na le dipeakanyo tše dingwe tše ntši; eupša Modimo o na le peakanyo, gomme peakanyo yeo ke ka Jesu Kriste, gomme Yena a nnoši. Ga se ka tshepedišo ye e itšego, tshepedišo ye e itšego ya thuto goba tshepedišo ye e itšego ya kerekeleina, goba eng kapa eng. Ke ka Jesu Kriste, gomme Yena a nnoši. Yeo ke peakanyo ya Modimo ya Gosafelego, ka Yena. Modimo ka mehla o dira dilo ka tsela e tee. Yena ga a tsoge a fetola tsela ya Gagwe ya go e dira.

Bjale re hwetša gore ba bangwe ba re, “O be a le moperfeta.”

⁵⁷ Gomme, moperfeta, O be a le, eupša O be a feta moperfeta. O be a le moperfeta, hlakanya. Gomme go bile le baprofeta ba bantši. Baprofeta bohole ba hwile mo kgorong ya lehu, eupša Monna yo o tšere dikgonyo, “lehu, hele, lebitla,” boka Simisone a dirile dikgoro tše Gasa, o e ntšedditše ntle; o tšere lebola le lehu lonamong, gomme a le metša ka phenyo, gomme a tsoga ka letšatši la boraro, a fentše, a dira badumedi ba Gagwe go feta bafenyi. Go šetše go fentšwe. Ga go selo se šetšego go dira eupša

go sepelela thwi ka go otlologa ka gare le pina ya bafenyi ka dipelong tša rena. Ke Yena yo mogolo wa phenyo, gomme Yena yo mogolo yo o be a feta moprofeta.

⁵⁸ Bjale, baprofeta ba be ba le banna ba bagolo. Re—re tseba seo. Lentšu la Morena le tlile go baprofeta, gomme Le tla go bona, gomme bona ba nnoši. Gomme re hwetša gore leo ke Lengwalo, se Le se bolelago. “Yena ga a dire selo ntle le ge A botša bahlanka ba Gagwe, baprofeta, pele.” Gomme ba be ba le monna yo mogolo, eupša Monna yo o be a feta moprofeta.

⁵⁹ Bjale re hwetša, gona, batho ba bantši ba nagana gore O be a le mokgohlaganyi wa kereke, go dira . . . e be e le monna yo mogolo ka monagano wo mogolo, le dikereke tša go kgatlofatšwa, o tsebile mokgwa wa go di bea mmogo.

⁶⁰ Ke kwele moprista a bolela, e sego telele go fetile, o rile, “Jesu Kriste o kgatlofaditše kereke ya mathomo ya Roma, gomme O swanetše go tseba mokgwa wa go e dira.”

⁶¹ Bjale, Kereke ga se ya ke ya kgatlofatšwa, gomme ga se ya ke ya thoma ka Roma. E thomile ka Jerusalema, ka Letšatši la Pentecost, gomme e sego ka Nicaea, Roma. Gomme E . . . Gomme Jesu ga se a ke a kgatlofatša selo. Yena, selo se nnoši A se dirilego, e bile pitšo. Ga se wa ke, ga se wa kgatlofaletšwa go Kriste; o tswalelwā ka Mmušong wa Modimo.

⁶² Ke—ke sa tšo feta letšatši la ka la matswalo, Mošupologo wa go feta, gomme ke be ke le bogolo bja mengwaga ye masometlhano tlhano. Gomme le a tseba, lapa la Branham ga se la ke la nkogopela go tšoena lapa. Ke tswetšwe ke le Branham.

⁶³ Gomme ke ka mokgwa wo re lego Bakriste. Re no ba re tswetšwe re le Mokriste, ka Maatla a tsogo ya Jesu Kriste. Gomme re Bakriste ka tswalo, seo—seo se re dira dibopiwa tše mpsha. Ka tlhagong ya rena ya kgale, re ka se tsoge ra ba Bakriste. Leo ke lebaka, lehono, re na le ba bantši ba ipitšago Bakriste bonabeng, le go phela mohuta e ka ba ofe wa bophelo; ga se ba ke ba itemogela . . . ga se ba ke ba itemogela seo sa go tswalwa gape, Sengwe se se go fetolago, seo se tšeago bophelo ntle. Go swana le go goga madi go tšwa go monna, gomme yo a nago le mohuta wo o itšego wa madi, le go bea seswantšho se sengwe ka go yena. Go gogela bophelo bja kgale ka ntle ga monna, le go hlabela Bophelo bja Kriste ka go modumedi, gomme ka gona o ba sebopiwa se seswa. Ke sebopiwa se seswa.

⁶⁴ Bjale tsela e nnoši re ka tsogego ra tseba, gomme ra kgona go dira batho bohole go kgotsofala . . .

⁶⁵ Ge nka botšiša ma—ma Mapentecostal, bošegong bjo, “Le nagana O swanetše go ba eng?” ba tla ba le Yena Mopentecostal. Ge nka botšiša ba—ba United Brethren se A swanetše go ba, “Gobaneng, O be a le United Brethren.” Gomme ge nka botšiša Methodist, “Gobaneng, O be a le Momethodist,” Mobaptist, le go ya pele.

⁶⁶ Eupša bjale go tsela e tee feels go—go kgotsofatša yeo, le go e dira go ya ka Mangwalo. Bjale re nyaka ka mehla, ka sefaleng se, go ba tlwa le Lengwalo; ge e se yona, o tlamegile go tla go nna le—le go mphošolla. Bjale, e nyaka go ba le Mangwalo.

⁶⁷ Kafao tsela e nnoši go tseba se A lego lehono, ke go hwetša se A bego a le sona. Le a bona? Gore, O rile, “O a swana maabane, lehono, le go ya go ile.” Gomme ge re ka kgona go hwetša se A bego a le sona, gona O swanetše go swana lehono, gobane A ka se kgone go fetoga. Beibebe e rile, “O a swana,” s-w-a-n-a, “go swana maabane, lehono, le go ya go ile.”

⁶⁸ Bjale ka go Johane wa Pele, goba Mokgethwa Johane tema ya 1, re a hwetša. Sese se mongwadi a se boletšego, a šušumeditšwe ke Moya wo Mokgethwa, o ngwadile se. “Mathomong go be go le Lentšu, gomme Lentšu le be le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga renā.”

⁶⁹ A nka e ripaganya? “Mathomong go be go le Gosafelego.” O be ebile a se Modimo. Modimo, lentšu la renā la Seisimane *modimo*, ke—ke “selo sa go rapelwa.” Eupša, Yena, go be go se selo go Mo rapela. O be a no ba Gosafelego.

⁷⁰ Ka go Yena go be go le ditholanakgopolō. Yo mongwe le yo mongwe o tseba se tholanakgopolō e lego. Ka mantšu a mangwe, ka go Yena go be go le megopolō ya Gagwe, megopolō feels, yeo ke tholanakgopolō ya Gagwe. Ka gona, Lentšu la Gagwe. Gomme mo—mo monagano, o hlagišitswe, ke Lentšu. “Mathomong go be go le Lentšu.” Pele ebile le hlagišwa, le be le kgopolō, ditholanakgopolō.

⁷¹ Ka go naganeng go, O be a swanetše go ba Modimo. Go molaleng o hlotše Barongwa, pele, morago O ile a rapelwa. O be a le Modimo.

⁷² Gomme, ka gona, ka go Yena go be go le ditholanakgopolō tša go ba Tate, go ba Morwa, go ba Mophološi. Ga go selo se lahlegilego; selo se sengwe se be se swanetše go lahlega, ka fao go be go swanetše go ba tsela ye e diretšwego seo. Go ba Mofodiši; ga go selo sa go babja, ka fao O bile, selo se sengwe se be se swanetše go babja gore A kgone go se fodiša. Go no pealatša ditholanakgopolō tša Gagwe.

⁷³ Gomme bjale, eelewang, ge o kile wa dira, goba o ka tsoge wa ba le Bophelo bjo Bosafelego, o bile le Bjona le Yena nako yeo. Le a bona, le bile le Bjona le Yena. Gobane, Jesu o tlide, gomme Jesu o be a le Molopolodi. Go *lopolla* e ka ba eng, ke, “go e tliša morago” go tloga moo e welego gona goba e ilego go tloga gona. E *lopolle*, “e tliše morago.” Gomme wena, ka tsela ye o lebelelagoo, o mang, o mang, se leina la gago e lego, woo e be e le monagano wa Modimo pele ga motheo wa lefase. Gomme Jesu ga se a tla go phološa selo ka moka; O nyakile, eupša O tla go lopolla, go tliše

morago bona ba ba bego ba le ka dikgopolong tša Gagwe pele ga mathomong.

⁷⁴ Leo ke lebaka, O be a le Lentšu le dirilwe nama. Le a bona? “Modimo o be a le ka go Kriste, a boelanya lefase go Yenamong.” Lentšu, go nagana ga Modimo ka fao A bego a tla e dira, O itlhagišitše Yenamong ka go Jesu Kriste. E be e le Modimo a eba materiale.

⁷⁵ Bjale, moo o lego bjale, o swanetše go hwa, gobane o sa le . . . Feela boka go tsea seswantšho. O nekethifi. Nekethife e ka ba efe e swanetše go ya ka kamoreng ya leswiswi, ka diesiti, go godiša seswantšho, go le dira le bone se e lego sona. Bjale re ka go seswantšho se se hlagišitšwego sa Gagwe. Ke nekethifi e tšerwe, re bophelo bja motho. Eupša re swanetše go ya ka kamoreng ya leswiswi, tlase ka lebitleng, go ya go kgabola go godišwa, go tla morago pele ka seswantšho; oo, nna, moswa neng le neng, botšofadi bjhohle le tšohle di sego- . . . diphošo le se sengwe le se sengwe di tla tlošwa.

⁷⁶ Ka gona re lopolotšwe, ditholanakgopololo tša Modimo, thwi morago. Modimo, materiale, le Kriste ka Kerekeng; go no swana le monna le mosadimogatša wa gagwe, yeo ke thereso, Kriste le Monyalwa. Ka gore, e lopolleta morago, go nagana ga Gagwe, gomme go nagana ga Gagwe go hlagišitšwe.

⁷⁷ Bjale le re, “Seo se tšere nako ye telele.” E sego go Modimo. Re ne magomo. Re no swanela go potlaka.

⁷⁸ Ke be ke nagana, ge ke tloga Jeffersonville, gomme ke otlela dimaele tše masometharo ka iri, ke otletše tlase go ya Birmingham ka letšatši le nthatana ye nnyane ya bošego, gomme ke naganne, “Seo ga se re bontši kudu go nna, eupša go ka reng ge tšošane ye nnyane e lekile go kitima leo? Se tla ra eng go yena!” Le a bona, o be a ka se kgone go e dira ka go dinako tša bophelo tše dikete, eupša ga se e re selo go nna, bontši go nna. Go reng ka sefofane? Go reng ka tšete? Gona, sephatšamaru? Gona, go reng ka Modimo?

⁷⁹ Le a bona, Jesu o bapotšwe feela maabane morago ga sekgalela, ka go nako ya Modimo, ge A bile le nako. “Mengwaga ye sekete e no ba letšatši le tee le Modimo, bjalo ka ge go bile.” Ebile ga se seo. Feelia, “bjalo ka ge go bile, letšatši le le tee.” Kafao ye ga se ya no ba beke le gannyane, ge le nyaka go e bala nako go Yena, ka moka ge e sa le go tloga mathomong a tlholo, go no e hlollela ntle.

⁸⁰ Modimo ka dikgopololo tša Gagwe, o ba materiale, gomme ka gona seo se re tliša le Bophelo bjo Bosafelego. Gomme Bophelo bjo Bosafelego, go na le sebopego se tee feela sa Bjona, seo ke Modimo. Gomme ka gona ke Modimo a hlagišitšwe ka Kerekeng ya Gagwe, go swana le Modimo a hlagišitšwe ka go Morwa wa Gagwe. Ke Modimo wa go swana nako yohle. Modimo ka godimo

ga rena; Modimo le rena; Modimo ka go rena; go no tliša selo ka moka thwi morago.

Bjale, "Mathomong go be go le Lentšu."

⁸¹ Bjale ge re be re eya go bolela ke mang a yago go ahlola lefase, gobaneng, o tla, yo mongwe o tla re . . . Ke kwele motho wa Katoliki, o rile, "Modimo o tla ahlola lefase ka kereke ya Katoliki." Ge A dira, kereke efe ya Katoliki? Le a bona, ba na le tše dintsi tsa yona tsa go fapania. Orthodox, Gerika, goba ya Roma, goba eng, le a bona, ke kereke efe ya Katoliki A tla ahlolago lefase ka yona? Gabotse, ge A le ahlola ka kereke ya Katoliki, gona Protestant e tswele. Ge A le ahlola ka kereke ya Protestant, gona Katoliki e tswele. Ge A le ahlola ka Methodist, Baptist e tswele. Gabotse, o re, "Ema motsotsso, bohole ba . . ." Oo, aowa.

⁸² Elelwang, mathomong, e tee, *tšhireletšo* e nnoši, yeo Modimo a e filego Adama le Efa, e be e le go dula ka morago ga Lentšu la Gagwe. Gomme go no se . . . Sathane ga se a hlok- . . . ga se a mmotše Le be le se bjalo. O no tsopala bošaedi sekafoko se sennyane sa Lona. Gomme ge sekafoko se setee se hlotše bothata bjhohle bjo, bolwetši, le mahloko a pelo, le manyami, sekafoko se setee se sennyane se tla re ntšhetša ka ntle ga Lona.

⁸³ Modimo o tla ahlola lefase e sego ka sehlopha e ka ba sefe se itšego. O tla ahlola lefase ka Jesu Kriste, gomme Kriste ke Lentšu. Yena ke Lentšu. "Mathomong go be go le Lentšu, Lentšu le be le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena." Ka fao Yena ke Lentšu la Modimo le le hlagišitšwego ka go lebaka le lengwe le le lengwe. O Mo dira wa go swana maabane, lehono, le go ya go ile.

⁸⁴ O itsebagaditše Yenamong, mo mathomong, le baprofeta. Bjale, elelwang, baprofeta ke ba Morena a bolelago ka bona. Gomme—gomme bjale hlokamelang, O itsebagaditše Yenamong ka go batho, go tloga go ona mathomo, go tloga go ona mathomo a nako.

⁸⁵ Ka mehla O na le tsela ya go dira dilo, gomme ga A tsoge a fetola tsela ya Gagwe. Ke ka baka leo ke kgonago go dumela Lentšu la Gagwe. Ge Modimo a kile a biletšwa lefelongtiragalo go dira tiro; gomme sephetho se Modimo a se dirilego ge A be a biletšwa lefelongtiragalo, O swanetše go dira ka tsela ya go swana nako le nako ge A biletšwa lefelongtiragalo, goba O dirile phošo lefelong la pele. Go sego bjalo, ge A biditšwe go phološa motho, O mo pholositše motheong wo itšego; gomme ge A kile a bitšwa go phološa motho yo mongwe, O swanetše go dira ka tsela ya go swana A dirilego lekga la mathomo, goba O e dirile ka phošo ge A e dirile ka tsela ya pele. Ge A kile a biletšwa lefelongtiragalo go fodiša monna, gomme A mo fodiša motheong wa selo se se itšego; ge A kile a bitšwa gape go fodiša, O swanetše

go fodiša go wona motheo wa go swana, goba O dirile phošo. Gomme Yena ke mohlokamagomo, motlalagohle, motsebatšohle. Yena ke—Yena ke Modimo mohlokamagomo, kafao Yena ga a fetoge.

⁸⁶ Bjale, re na le magomo. Re ka kgona gore se ke therešo, lehono, bosasa re ka kgona go hwetša selo se sengwe sa go fapano. Re ka ba kaone. Re ne ye kaone, re aga dintlo tše kaone go phala re dirile mengwaga ye lekgolo ya go feta. Re na le dikoloi tše kaone go feta tše re bilego le tšona mengwaga ye masomepedi ya go feta, gomme re na le dinamelwa tše kaone, le e ka ba eng bontši o nyakago go ya ka go yona. Re kaone gobane re a ithuta.

⁸⁷ Eupša Modimo ga se a ke, ka baka la gore O phethagetše, sa mathomo. Kagona, Yena le Lentšu la Gagwe ba a swana, kafao Lentšu la Gagwe le phethagetše. Ge o sa dumele seo, o se tsoge wa tla ka mothalong wa thapelo, gobane woo ke motheo o nnoši o ka amogelago e ka ba eng. Tumelo e ka kgona feela go tšeа go khutša ga yona godimo ga selo se sengwe seo e nago le nnete ya sona, gomme tumelo ya kgonthe ya mmapale e ikhutšiša yonamong go Leswika la Gosafelego la Lentšu la Modimo la Gosafelego. Ga e šuthe. E dula thwi fao, go sa kgathale. Bolela ka leswika la Gibraltar? Leo ke Leswika la Mehleng e emago godimo ga lona. Lentšu le ka se tsoge la fetoga, gomme tumelo e khutša godimo go Leo. O rile, “Magodimo le lefase di tla feta, eupša Mantšu a Ka a ka se tsoge a palelwa.” Banna le basadi ba ba kilego ba lekana le e ka ba eng, e bile banna le basadi ba ba dumetšego seo go ba Therešo. Gomme yeo ke Therešo. Yena, Lentšu, ke Therešo.

⁸⁸ Bjale re hwetša gore Yena, mathomong, Modimo o abetše Lentšu le lentši kudu go lebaka le lengwe le le lengwe, go lebaka le lengwe le le lengwe—le lengwe le le lengwe. Gomme ka gona ge Lentšu leo le eba nako ya Lona go utollwa . . . Le se ke la foša se. Ge go etla nako go Lentšu lela go utollwa, ka mehla motho o bile le lona le hlakahlakane kudu, go fihla A bonagetše go moprofeta. Phetlang Mangwalo. Le a bona? Bjale elelwang, Modimo wa go se fetoge, A ka se kgone go fetola ditsela tše Gagwe. O swanetše nako le nako go e dira go swana, go se fetoge.

⁸⁹ A nke ke no le fa mohlala o tee. Ge motho a wele, a dirile sebe, gomme Modimo o bileditšwe, e ka ba go mo lahlela ka kahlolong goba go mo direla tsela ya go phonyokga. Bjale, Modimo, ka serapeng sa Edene, o dirile peakanyo e tee go phološa motho, tsela e tee, gomme yeo e bile ka Madi a tšholotšwego a yena wa go hloka molato. Ga se nke A ke a e fetola. Re lekile go aga ditoropokgolo, ditora, go ruta, go kgatlofatša, eupša yohle e paletšwe. Modimo a ka kgona feela go kopana le motho ka tlase ga Madi a tšholotšwego a Mohlokamolato. O dirile seo ka serapeng sa Edene, gomme ga se nke A e fetola.

⁹⁰ Gomme Modimo ga a tsoge a fetola ditsela tše Gagwe. Yena, ge A dira, gona O na le magomo boka ke le, le le. Re re, “Gabotse,

ke be ke le phošo *fale*, eupša ke—ke tla rereša nako ye.” E sego Modimo. O a rereša lefelong la pele. Ga A swanelo go fetola selo. O dirile tshepišo, gomme Yena ke Modimo, O dula le yona.

⁹¹ Bjalo ka Abraham, o ile a kgodišega gore Modimo o be a kgonia go boloka e ka ba eng A e tshepišitšego, kafao o biditše e ka ba eng kgahlanong le Lentšu mo o ka rego e be e se. O nno ya thwi pele feela go swana, kgahlanong le tša saense, dinetefatšo tša saense, le kgahlanong le mabaka, kgahlanong le kholofelo, kgahlanong le se sengwe le se sengwe se bego se le fao. Lentšu la Modimo le tlie pele. Abraham o rile, “A nke se sengwe le se sengwe gape se be phošo.” O be a eya go ba le lesea, go le bjalo. Gomme kafao o bile le lona, le a bona, gobane o le dumetše.

⁹² Bjale re a hwetša, gona, gore Modimo wa go se fetoge ka mehla o dira sa go swana. Bjale hlokomelang, feela ka boripana, ka go histori ya nako. Eyang le nna bjale, feela lebaka la metsotsotse e se mekae ya go latela. A re yeng morago gomme re hwetšeng.

⁹³ Mathomong O boletše le baprofeta, gomme Lentšu la Morena le tlie go moprofeta. Gomme moprofeta, a kgonia go bolelelapelle, dilo tše kgethwa, gomme go diregile feela ka mokgwa woo, e be e le boitsebagatšo bja gagwe. Moprofeta, *mmoni*, go ra, “yena yo a bolelagopele goba a botšagopele,” gomme gape ke “mohlatholliy o Mokgethwa wa Lentšu le le ngwadilwego.” Mang kapa mang o tseba seo, yo a tsebago se moprofeta a se rago.

⁹⁴ Bjale lentšu la Seisimane, *moprofeta*, m-o-p-r-o-f-e-t-a, le ra, “moreri,” feela e ka ba mang a rerago.

⁹⁵ Eupša *mmoni* wa Testamente ya Kgale, yo a bego a bitšwa bjalo ka moprofeta, o be a le yena yoo a bonegopele dilo. O rile, “Ge go na le yo mongwe magareng ga lena yo e lego wa semoya, goba moprofeta, Nna Morena ke tla itsebiša Nnamong go yena. Gomme se a se bolelago sa tla go phethega, gona mo kweng; eupša ge se sa tle go phethega, le se ke la kwa moprofeta yoo, le a bona, ka baka la gore o profeta ka bofora. Eupša ge Ke mo romile, seo e tla ba boitsebišo bja Ka, se a se bolelago se tla tla go phethega. O tswetšwe lefaseng, o beilwe, o beetšwepele ke Modimo go dira seo.” Gobane, “Dimpho tšohle le dipitšo di kantle ga tshokologo.” Di beetšwepele ke Modimo.

⁹⁶ Pele lefase le ka tsoge la thoma, O tsebile tšohle ka lona. O be a tseba letsetse le lengwe le le lengwe, ntšhi ye nngwe le ye nngwe, gomme e tla dira mae a makae, gomme e tla panya mahlo a yona makga a makae. Seo—seo ke gohlokamagomo, le a bona, gohlokamagomo. Seo e no ba . . . Ge go se, gona Yena ga se mohlokamagomo. O tsebile se sengwe le se sengwe. Gomme Yena ke—Yena ke motsebatšohle, ka baka la gore Ke motlalagohle, seo se dira, motsebatšohle, se Mo dira motlalagohle; O tseba se sengwe le se sengwe, o se tsebile pele lefase le thoma.

⁹⁷ O tsebile, pele lefase le thoma, re tla dula fa. O tsebile ke makga a makae ke tla phagamišetšago diatla tša ka godimo le

fase. Bjale O tsebile mantšu a ke tla a bolelagoo. O tsebile ke makga a makae o tla panyago mahlo a gago, se o tla se naganago, pele lefase le ka tsoge la thoma. Re boifa eng? Modimo ke Tate wa rena. Yeo ke nnene. Ÿena ke Tate wa rena. Ga re ne go tshwenyega. Batho ba nno lahlegelwa ke tumelo ya bona le boitshepo ka go Yena.

⁹⁸ Gomme re hwetša gore seo se ya go dihla, gomme ka gona go ne Mantšu ao Modimo a a boletšego go tla go phethega. Gomme ka gona ohle ba hlakahlakanywa; gomme ka gona Modimo o re romela moprofeta lefelongtiragalo, gomme moprofeta yola o hlatsela Lentšu lela la lebaka leo, ka mehla. Eyang go kgabola Mabaka a Kereke, se re swanetšego go ba le sona, go bona ge eba ga o swantšhe monna yola tlase go kgabola Mabaka a Kereke bjalo ka ge re ba bona, ge e sa le ba—ba baapostola. Bjale hlokamelang se, gape.

⁹⁹ Modimo o boletše le Noage, gomme o be a le moprofeta, o mmoditše ka ga se se bego se etla. O profetile, gomme se diregile.

¹⁰⁰ Bjale go latela go tla Josefa. Josefa, mohlala wa go phethagala, yoo e be e le Kriste ka go Josefa. Gobaneng, le a hlokomela, o be a ratwa ke tatagwe, a nyaditšwe ke banababo, gobane o be a le mmoni. Ba mo hloile, ntle le lebaka. Monna o be a sa kgone go thuša, se a bego a le sona o be a le sona. Gomme banababo ba bangwe ba mo hloile, sekai se sebotse kudu sa mabaka ohle. Ka mehla, ge mmoni a etla lefelongtiragalo, ka moka ga bona ba a mo hloya, bakeng sa taba ya go swana yeo ba dirilego Josefa. O be a ka se kgone go e thuša. O be—... O be a kgona go hlatholla ditoro tša bona; o be a sa tsoge a phoša. O—o boleletšepele dilo; ga se a ke a foša. Gomme banababo ba mo hloile, ntle le lebaka.

¹⁰¹ Gomme, hlokamelang, bophelo bja gagwe bo swantšhitše Kriste go rena, tlwa. Ebile o rekišitšwe, go nyakile, ka dithoro tše masometharo tša silibere, o ntšhitšwe go tšwa mokoting; gomme a dula ka seatleng se setona sa Farao, mmuši wa lefase ka letšatši leo. Gomme nako ye nngwe le ye nngwe ge a be a tlogela paleisi, ba be ba letša phalafala, gomme ba re, “Letolo le lengwe le le lengwe le khuname, ka baka la gore Josefa o etla.” Sekai sa go phethagala sa Kriste ka Mileniamong; ge phalafala e gala gomme... O tla tla pele, gomme letolo le lengwe le le lengwe le tla khunama le leleme le lengwe le le lengwe le tla ipolela go Yena.

¹⁰² Hlokamelang, ka kgolegong ya gagwe, o be a le moprofeta. Ke ge a be a rekišitšwe le go bewa ka kgolegong, ka baka la mosadimogatša wa Potifaro. Gona re hwetša gore ka fale raleselaga le mopaki, bobedi ba bile le toro, gomme o hlathollotše toro, gomme yo mongwe o ile a lahlega gomme yo mongwe o pholosítšwe. Jesu o dirile bjalo godimo ga sefapano, tlwa; yo motee o ile a lahlega, yo motee o ile a pholoswa, ge A be a le ka

kgolegong ya Gagwe, a kokotetšwe Sefapanong. Feela mohlala wa go phethagala.

¹⁰³ Re hwetša gore ge Moshe a etla lefelongtiragalo bjale, bjale, Moshe o be a ka se kgone go tla ka moyo wo o swanago goba ka tsela ye e swanago, ka molaetša wo o swanago wo—wo Noage a bego a na le wona, e be e le lebaka le lengwe, go phethagatša Lentšu le lengwe. Modimo o rile, “Peu ya gago e tla diilela ka go naga e šele, ya ba mo—mo mohlanka lebaka la mengwaga ye makgolonne, morago Ke tla ba ntšetša ntle ka seatla se maatla.”

¹⁰⁴ Eupša ge Moshe a biditšwe, o tšere mengwaga ye masomenne ya go tsena sekolo, morago mengwaga ye masomenne go e ntšetša ntle ga gagwe yohle gape, morago Modimo o mmiditše ka Seetsa sa kagodimogatlhago, Pilara ya Mollo e robetše morago ka sethokgweng se se tukago. Gomme o tsebile bontši ka ga Modimo, mo metsotsong ye mehlano, go feta a ithutile mo mengwageng ye masomenne, gobane o be a le ka Bogeneng bja Gagwe.

¹⁰⁵ Seo ke se ke . . . Ge monna a le ka Bogeneng bja Modimo, gona o tseba se sengwe. O tseba se sengwe, e sego . . . A ka se kgone go ithuta sona ka dipukung, o ka se kgone go ithuta Modimo ka dipuku. Thuto e tš- . . . O re, “Yena ke D.D.D., Ph.D.” Seo se no mo tšea bokgole bjo bontši bjoo go tloga go Modimo, go nna. Ga o tsebe Modimo ka thuto, o tseba Modimo ka tumelo, o a Mo dumela. Ke ka fao o tsebago Modimo.

¹⁰⁶ Gomme, go le bjalo, ke ka baka leo ke naganago dikopano tša rena, ka Bogeneng bjo Bokgethwa bja Modimo, go swanetše, go tutuetša tumelo ya batho go tseba gore ga go kgathale se saense e se bolelago, se mosedumele a se bolelago, Kriste o rometšwe go lena, badumedi, le na le tokelo go ipshina ka kopanelo ya Gagwe le ditšegofatšo tša Gagwe, se sengwe le se sengwe seo A se hwetšego. Ke lena bao.

¹⁰⁷ Ga go motho a nago le tokelo ya go rera Ebangedi go fihla a khunamile godimo ga mašabašaba a makgethwa ao morago kua ka Bogeneng bja Pilara yela ya Mollo, gomme a kwele Segalontšu sa Modimo se bolela le yena. Le a tseba, mabodumedi lehono a ka kgona go e hlatholla yohle go tloga, “Gomme se se diregile, gomme Seo se ile. Gomme Le e be e le la lebaka le lengwe, le le.” Eupša monna yo a kilego a kopana le Modimo, sefahlego ka sefahlego, gomme a bolela le Yena, ga go rasaense goba ga go diabolo, goba ga go selo gape, se ka tlago go lefelo le lekgethwa lela. O be a le fao mo a kopanego le Modimo, gomme o tseba se a bolelago ka sona, gomme ga a hloke e ka ba mang gape a lekago go mmotša.

¹⁰⁸ Modimo a bolela ka mabakeng, ka baprofeta ba Gagwe, a itsebagatša Yenamong nako ye nngwe le ye nngwe go kgabola lebaka le le tlago pele.

¹⁰⁹ Bjale go bapa go tlide Jesu wa Nasaretha. O be a le moprofeta, le yena. Beibele e rile O tla dira. Doiteronomio 18:15, Moshe o rile, “Morena Modimo wa lena o tla tsoša moprofeta wa go swana le nna, gomme batho ba tla mo kwa.”

¹¹⁰ Bjale hlokomelang lebaka le lengwe le le lengwe, Israele yohle, batho bohole ba dumetše bao, baprofeta, ge ba be ba tsebagaditšwe baprofeta. Bahebere masometh-... Bahebere tema ya 1, e rile, “Modimo, dinakong tša kgale le ka mekgwa ya go fapano o boletše le botate ka baprofeta; ka matšatšing a a mafelelo, ka Morwa wa Gagwe Jesu Kriste.” Le a bona, ka Morwa wa Gagwe Jesu Kriste. Hlokomelang, ga se a ke a fetola tsela ya Gagwe; selo se se swanago, ka mehla tšwelopele ya Lentšu la Modimo. Modimo ga se a ke a šomiša tshepedišo, ga se a ke a šomiša mokgatlo, ga se a ke a šomiša dihlopha. O šomiša motho yo motee ka monwana.

¹¹¹ Ge o le Momethodist, Mobaptist, seo se lokile; Mopresbyterian, Mopentecostal, seo se lokile; eupša Modimo o šoma le wena bjalo ka motho ka motho. Ke wena, e sego kereke ya gago. Ke wena yo a nago le boikarabelo, e sego se kereke ya gago e se bolelago. Se Modimo a se boletšego go wena! Se swanetše go ba le Lentšu. Ee, Modimo o šoma le motho ka motho. Ka mehla O dirile.

¹¹² Baprofeta, ga go sekolo sa baprofeta. Ba lekile seo nako ye nngwe gomme ba paletšwe. Ka fao ba hwetša gore, Ahaba o be a na le sehlopha sa bona tlase kua. Eupša Modimo o bile le o tee, le yena, ka leina la Mika, yoo bohole ka moka ga bona ba bego ba mo hloile, eupša o bile le Therešo nako yeo, o bile le therešo ya Lentšu, gobane seprofeto sa gagwe se be se le go ya ka Lentšu.

¹¹³ Ka mehla go swanetše go ba. Moprofeta o rometšwe go hlatsela Lentšu le le tshepišeditšwego letšatši leo.

¹¹⁴ Bjale go tlwa ka fao ba paletšwego go bona Jesu. Seo ke tlwa. Lebelelang monna bale, Bafarisei bale le Basadutsei, dirutegi tšela re se nago tšona lehono. Ba swanetše go tswalwa wo o itšego, go tšwa go moloko wo o itšego, Lefi. Borakgolo khukhu khukhu khukhu khukhu ba bona e be e le baprista, tsela yohle go kgabola. Ba ithutile Lentšu lela, mosegare le bošego, mosegare le bošego. Eupša ge Lentšu le hlatseditšwe, ga se ba le tseba. Le a bona, ba bile le motlwae. Jesu o rile, “Lena ka metlwae ya lena le dirile Lentšu la Modimo go hloka maatla.” Bjale, O tla feela tlwa ka tsela ye moprofeta a rilego O tla tla, eupša, le a bona, ba bile le motlwae gomme ga se ba kgone go bona Leo.

¹¹⁵ “Lesea le le tswetšwe tlase kua, tswalo ya ntle ga molao, le ka setaleng sa kgomo, leo le ka kgona go ba bjang? Gomme mothaka yo o be a sa ye sekolong e ka ba sefe. O be a se na le ditshwanelego. O be a se na le karata ya kopanelo. O be a se wa mokgatlo e ka ba ofe. Ba be ba sa tsebe sekolo se A ilego go sona. Se se ka kgona go ba bjang e ka ba eng?” Eupša e bile. Ba paletšwe ke go bona.

¹¹⁶ O rile, “Mediro ye Ke e dirago, e paka ka Nna. Phetlang Mangwalo, ka gore ka go Wona le nagana gore le na le Bophelo bjo Bosafelego; gomme ke Wona a pakago, a le botšago gore Ke nna Mang. Ke bopaki bja Ka, Mangwalo.” O rile, “Ge le sa Ntumele, dumelang mediro ye Ke e dirago. E le botša Ke nna Mang.”

Ba rile, “Re na le Moshe. Re dumela Moshe.”

¹¹⁷ O rile, “Ge le dumetše Moshe, le tla Ntumela; o ngwadile ka Nna.” Le a bona?

¹¹⁸ Ba be ba le leswiswi kudu gomme go le bjalo ga se ba kgona go e bona. Ke a makala ge eba seo se ka bušeletša. E profetilwe, le a tseba. E profetilwe, fale.

O re, “Ka letšatšing le?” Oo, ee.

¹¹⁹ “Hlogothata, monagano wa godimo, barati ba maipshino go feta barati ba Modimo, barobadikwano, baphari ba maaka, basekgotsofale, banyatši ba bao ba lokilego, ba na le sebopego sa bomodimo, eupša ba gana Maatla a bjona; go ba ba bjalo retologa o tloge.” E profetilwe, gomme seporofeto sohle se swanetše go phethagatšwa. Ke a makala ge eba re kgauswi le nako yeo. Ke no makala ge eba re bona. A re lebeleleng go dikologa feela gannyane nthatana gomme re bone ka fao re lego ka Tsione. Bjale re a hwetša.

¹²⁰ A re boneng se Jesu a bego a le sona, ge A etla. O be a le Lentšu. O be a le Lentšu ka go feleta. Gomme Lentšu ka mehla le a phošolla. Le phošolla phošo. Le ge phošo e sa e dumele, nako ye nngwe, eupša Lentšu le phošolla phošo.

¹²¹ Lebelelang Jesu, feela bogolo bja mengwaga ye lesomepedi; mošemane yo monnyane a ka ba boka moisa yo a dutšego fa a robetše, ka dikota mo maotong a gagwe. Jesu o be a le mo—mo mošemane yo monnyane, a ka ba bogolo bja mengwaga ye lesomepedi; ga go rekoto moo A kilego a ya sekolong. Eupša ba ile godimo go Monyanya wa Paseka, gomme ge ba . . . goba Moketeng wa Pentecost, a ke re. Gomme ba ile godimo moketeng, Josefa le Maria, le phuthego yohle go tšwa tlase ka toropongkgolo. Ba ile godimo Jerusalema. Gomme leeto la matšatši a mararo, ba tšeа o ka re O be a le tikologong le batho gomme le ba bangwe ba molokokgauswi fale. Eupša ba Mo timeditše. Ba ile go lebelela, gomme O be a se gona. Ba ile morago Jerusalema gomme ba Mo hwetša ka tempeleng, a ngangišana le baprista, a ngangišana le monna bale.

¹²² Hlokamelang mo, e sego go le gobatša batho ba Katoliki. Eupša lena ba le tšeago Maria bakeng sa modimogadi goba mmoelanyi, lebelelang mo. O fa bopaki, mo šetšeng a senya bopaki bja gagwe mong. O rile, “Tatago le nna re Go nyakile, ka megokgo.” Lebelelang se a se dirilego. O sentše bopaki bja gagwe mong. O be a bitša Josefa tate wa Gagwe.

¹²³ Eupša šetšang. Feela segotlane, feela mošemane yo monnyane, eupša Lentšu ka mehla le phošolla phošo. O rile, “A ga o tsebe gore Ke swanetše go ba modirong wa Tate wa Ka?” Lentšu ka go itiragalela, le a bona, le phošolotše phošo.

¹²⁴ O rile, “Tatago le nna,” Josefa. Thwi pele ga baprista bale, ba a šetšego a ba boditše gore o imile ka Moya wo Mokgethwa, gomme mo o pakile le go tsebagatša Josefa e le tate wa Gagwe, o senya bopaki bja gagwe mong.

¹²⁵ Eupša šetšang Lentšu le a e topa. O be a le Lentšu. “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena.” Lentšu la e topela godimo, go phošolla phošo.

¹²⁶ “A ga o tsebe gore Ke swanetše go ba modirong wa Tate wa Ka?” Ge Josefa a ka be a be a le tate wa Gagwe, O be a tla be a le tlase lebenkeleng la mmetli, ka kgwebong ya gagwe. Eupša taba ya Tate wa Gagwe e be e sola mekgatlo yeo le dilo, gomme O be a ba sola godimo kua, moo A—moo A lego wa gona. O be a na le na—na nako fao, moo ba bego ba sa kgone le go kwešiša ka fao mošemane yo a bego a tla tseba se sebjalo ka seo. Eupša O be a le Lentšu. Ga se gwa ke gwa ba monna yo a boletšego bjalo ka Yena. Se A se boletšego, O be a na le maatlataolo go se dira gore se şome.

Baprofeta bale ba dirile, le bona, gobane ba phetše mo iring.

¹²⁷ O be a le, O—O be a le baprofeta bohle ba dirilwego ka go o Tee, hlakanya le ebile le seo, gobane O be a le bottlalo bja Lentšu. O be a le Lentšu lohle. Baprofeta ba be ba no ba Lentšu go lebaka leo, eupša O be a le Lentšu go mabaka ohle. O be a le Modimo, Yenamong, a etla fase gomme a bonagatšwa ka mmeleng wa nama. “Lentšu le dirilwe nama gomme la dula magareng ga rena.”

¹²⁸ A re šetšeng ka fao A itsebagaditšego Yenamong, Sa Gagwe sa pele, ka morago ga ge A tšwetše ka ntle ga lešoka, go tšwa go kolobetšweng ka Moya wo Mokgethwa. O kolobeditše, le Johane . . . Kgopolole ye nngwe ye nnyane še yeo o ka e swarago feela pele o nagana ka yona.

¹²⁹ A le a tseba Beibebe e re, “Lentšu le tla go moprofeta”? Ge go na le moprofeta ka nageng, Lentšu le swanetše go tla go yena.

¹³⁰ Lebelelang Johane, o be a le moprofeta, wa mathomo ba bilego le yena, le a bona, gomme o be a le moprofeta Lentšu. Gomme ge a be a eme fale, a profeta, Lentšu le tlile go yena ka meetseng. Jesu o be a le Lentšu, o sepeletše thwi ntle ka meetseng. Gomme Johane o rile, “Ke hloka go kolobetšwa ke Wena. Gobaneng O etla go nna?”

¹³¹ Gomme O rile, “Lesa seo se be bjalo, ka gore go re swanetše gore re phethagatše toko yohle.” Gobaneng? Gona Johane go

beng moprofeta, gomme Yena go beng Lentšu, o tsebile gore O be a le Sehlabelo, kafao Sehlabelo se swanetše go hlatswiwa pele Se neelwa. Kafao o kolobeditše Jesu, a hlatswa Lentšu, pele Le neelwa, le a bona. Kafao o kga- . . . O rile, “Lesa go be bjalo bjale, ka gore go re swanetše go phethagatša toko yohle.”

¹³² Ka gona ge A mo dumelitše, Jesu o ile tsela thwi go tšwa ka meetseng. Gomme, bonang, magodimo a ile a bulega, gomme a bona Moya wa Modimo, bjalo ka leeba, o theogela fase godimo ga Gagwe. Gomme O ile ka lešokeng, a lekwa lebaka la matšatši a masomenne, morago a tšwela ntle.

¹³³ A re lateleng bodiredi bja Gagwe bjale. Re ka go Mokgethwa Johane 1. A re šetšeng se se diregago, le go bona se A bego a le sona nako yeo, gona re ka kgora go hwetša se A bego a le sona bjale, nako yeo. Mo lebeleleng ka go mabaka a morago, bjale, re godimo go nako ya Jesu.

¹³⁴ Ka gona re tla tswalela, mohlomongwe go e topa gosasa bošego, fao. Re no ba le metsotso e se mekae e šetšego.

¹³⁵ Šo O a tla, go tšwa lešokeng. Selo sa pele, go be go le monna ka leina la—la Andrea. O be a eya go tsenela molaetša wa Johane. Gomme Johane o thoma go re . . .

¹³⁶ Johane o tsebile gore o be a eya go—go ba motsebiši wa Mesia, gobane o be a šetše a boletše, le a tseba. Tate wa gagwe—wa gagwe e be e le moprista, eupša ga se a ke a latela tatagwe. Mošomo wa gagwe o be o le bohllokwa kudu go ya go e ka ba sefe sa dikolo tša thutamodimo, kafao o ile lešokeng ka bogolo bja mengwaga ye senyane. O tsebile o ile a swanelo go tsebagatša, o ile a swanelo go bona leswao leo le tla netefatšago Mesia yola—yola o be a le mang. Gomme o e tsebile kgonthe kudu, o tsebile pitšo ya gagwe, o be a ne kgonthe kudu ka yona, go fihla a eme magareng ga seholpha sa batho boka se, o rile, “O thwi magareng ga lena bjale. Go ne yo Motee a emego magareng ga lena, Yo le sa mo tsebego. O tla kolobetša ka Moya wo Mokgethwa le Mollo.” O rile, “Ebile ga ke na maswanedi go tlemolla dieta tša Gagwe.”

¹³⁷ Gomme ka gona, selo sa pele, Jesu o sepeletše thwi ntle, gomme a bona leswao lela. O rile, “Ke bone leswao, gomme ke na le nnete gore yoo e be e le Yena.” Gomme o Mo kolobeditše. Bjale ge Jesu . . .

¹³⁸ Gomme ga go pelaelo gore Andrea o be a boditše ngwanabo. Bjale, ngwanabo o be a le mohuta wa . . . Simone, o be a le mohuta wa a mangwe a mathaka a a bothata ao a bego a sa nyake go dumela e ka ba eng. O rile, “Ke elelwa se tate wa ka a mpoditšego, o rile, ‘Morwa,’ letšatši le lengwe o rile, ‘o a tseba, re theile dihlapi, gomme re tshepile Modimo go—go re fa hlapi, bakeng sa go lefa dikoloto tša rena le go hwetša se sengwe go ja.’ O rile, ‘Makga a mantši re ile ra swanelo go rapela, pele pele mme a ehwa le bohole, go re fa go swara go gobotse ga hlapi, gore re kgone go ba le dijo tša letšatši. Gomme ka mehla ke be ke lebeletše,

bjalo ka ge Mohebere yo mongwe le yo mongwe yo mokaone a ka dira, bakeng sa go tla ga Mesia.' O rile, 'Bjale ke a tšofala, gomme ke a nagana nka se Mmone. Eupša ke nyaka lena bašemane go tseba, feela pele A tšwelela lefelongtiragalo, go tla ba le mehuta yohle ya dilo tša maaka di tsoga, le a bona, eupša ke nyaka le tsebe, re swanetše go tshepa Lentšu. Moshe moprofeta wa rena o re boditše, gore, "Morena Modimo o tla tsoša moprofeta." Bjale ga se re be le moprofeta lebaka la makgolo le makgolo a mengwaga. Eupša ge Mesia a etla, O tla tsebagatšwa moprofeta. Bjale, le tla Mo tseba, gobane O tla ba moprofeta."

¹³⁹ Gomme ka gona moisa yo o be a rera, a sa dire selo gape eupša go rera, Johane. Kafao yena, Simone, o be a sa kgone go yela seo.

¹⁴⁰ Kafao o mmuditše gore Yena yo a bego a bolela ka yena o tlie, kafao seo se Mo tsebagaditše bjalo ka moprofeta, le a bona, gore O... se se bilego, ka fao se diregilego.

¹⁴¹ Kafao Andrea le Simone ba ile tlase letšatši le lengwe, le go hlatswa malokwa a bona, gomme ba ile tlase go bona Jesu. Gomme ge Simone a etla, a kitimela godimo ka Bogoneng bja Gagwe, Jesu o mo lebeletše gomme o rile, "Leina la gago ke Simone, gomme o morwa wa Jona." Seo se e dirile. O tsebile thwi nako yeo gore leo e be e le Lentšu lela le dirilwe nama. Le a bona, O e tsebile.

¹⁴² Gobaneng? Bahebере tema ya 4, temana ya 12, ye e tsebjago ka dirutegi tšohle, gore, "Lentšu la Modimo le bogajana go feta tšoša ya magalemabedi, gomme ke mohlathi wa dikgopolole maikemišetšo a pelo." Ke babadi ba bakae ba tsebago seo? Nnete. Bahebере 4, yeo ke nnete, 4:12.

¹⁴³ Bjale, ge a bone seo, o tsebile gore ga A tsebe feela o be a le mang, O tsebile papagwe yola wa kgale wa bomodimo, le yena. O tsebile thwi nako yeo gore yoo e be e le Mesia. O ile a fiwa dikgonyo tša Mmušo, moragwana.

¹⁴⁴ Ka gona go be go le moisa a eme kua, ka leina la Filipi. Kafao o bile le moisa o be a ithuta Beibele le yena, oo, lebaka la mengwaga ye mentši, gomme yoo e be e le moisa a bitšwago Nathaniele. O phetše e ka ba dimaele tše lesometlhano, ge o ka e hlahlofa mo mmepeng, moo a ilego, go dikologa thaba go hwetša Nathaniele. Gomme ge a mo hweditše... O be a le—o be a le monna wa sekgwaa. O godišitše mehlware, gomme o be a le ntle kua ka mogoleng, a rapela. Gomme, nnete, Nathaniele, morago ga... goba Filipi, ntshwareleng. Filipi, ka morago ga go bona Nathaniele a rapela, o be a le mokgomana, o letile go fihla a feditše go rapela. Yena, ge a eme, o rile, "E re! Etla, bona Yo re mo hweditše! Jesu wa Nasaretha, morwa wa Josefa, yo ke—yo ke Mesia yo re bolelago ka yena."

¹⁴⁵ "Oo!" Gona theetšang moisa yo. O rile, "Bjale, a go ka ba le selo e ka ba sefe se sebotse go tšwa go sehlopha sa batho boka seo, go tšwa go bona?"

¹⁴⁶ Gomme ke nagana o mo file karabo ye kaonekaone e ka ba mang a ka kgonago. O rile, “Etla gomme o bone.”

¹⁴⁷ O se ke—o se ke wa dula gae gomme wa swaswalatša. Etla ikhweletše wenamong. Tliša Lentšu la gago mmogo le wena, gomme a re le phetleng gomme re hwetše se le lego sona. Le tseba se Lentšu le se bolelago gore Mesia yo o ya go ba. Se A bego a le sona maabane, ke Yena lehono. Phetlang Lentšu, hwetšang se A lego sona. Ge eba ke Yena mokgatlo, ge eba ke Yena sehlopha sa batho, ke Yena eng? Le a bona?

¹⁴⁸ Kafao re hwetše ntle fale gore ba tlile go dikologa thaba, gomme ga go pelaelo gore Filipi o mo anegetše se A se boletšego. “Gabotse, motheadihlapi yola wa kgale yo a bego a se ne thuto ya go lekanelo go saena rasiti yela, yeo ke, ge o bile hlapi yela, O mmoditše o be a le mang le go mmotša papagwe e be e le mang. Go ka se mmakatše ge A ka se go botše o mang, ge o fihla kua.”

“Oo, eya pele! Ke tla swanela go e bona,” o boletše.

¹⁴⁹ A sepelela thwi godimo ka Bogoneng bja Gagwe, mohlomongwe ka mokgwa wo, mothalo wa thapelo, kae kapa kae o bego o le. Jesu o be a rapelela balwetši. Gomme ge Jesu a lebeletše godimo ga gagwe, lekga la mathomo A kilego a mmona, O rile, “Bonang Moisraele yo ka go yena go sego bomenetša.”

¹⁵⁰ O rile, “Rabi,” go rago morutiši, “ke neng O kilego wa ke wa mpona? Le ke lekga la mathomo nkilego ka Go bona. Ke neng O kilego wa ke wa mpona?”

¹⁵¹ O rile, “Pele Filipi a go bitša, ge o be o le ka tlase ga mohlare, Ke go bone.” Oo, a leihlo!

¹⁵² Šetšang di—šetšang ditlamorago. “Rabi, Wena o Morwa wa Modimo. Wena o Kgoši ya Israele.” Monna yola o tsebile . . .

¹⁵³ Lebelelang phapano gare ga gagwe le bona baprista ba eme ntle kua. Bona baprista ga se ba e dumela, gomme ba a tseba e diregile, kafao ba ile ba swanela go fa karabo go phuthego ya bona. Kafao le tseba se ba se boletšego? Ba rile, “O dira . . . Yena ke mmolelelamahlatse. Yena ke Beletsebubu, diabolo. Yena ke diabolo.”

¹⁵⁴ Gomme Jesu o rile, “Ke tla le lebalela bakeng sa seo,” poelano e be e sešo ya dirwa, “eupša ge Moya wo Mokgethwa o etla,” bjale, “le go dira selo sa go swana, lentšu le tee kgahlanong le Wona le ka se tsoge la lebalelwka ka go lefase le goba lefase le le tlago.” Kafao le bona moo e tla re lahlelago ge re bone selo sa go swana! Le a bona?

¹⁵⁵ Bjale re no ya pejana nthatana gannyane. Re hwetše, gona, gore go ne feela magoro a mararo a batho mo lefaseng, mehlubo ye meraro. Re tseba seo. Batho ba Hama, Seme, le batho ba Jafete; bao ke Mojuda, le Mosamaria, le Montle. Bjale, Mosamaria ke seripa sa Mojuda le Montle.

¹⁵⁶ Bjale re a tseba gore Bajuda ba be ba letetše Mesia, le Basamaria ba be ba le bjalo. Eupša rena Bantle re be re le Anglo-Saxon, re—re be re rapela medimo ya diswantšho, re rwele melamo ka magetleng a rena, gomme re be re le bahetene. Re be re se ra letela Mesia. Gomme ga go Mesia yo a laeditšwego go rena, le rena, e sego leswao la Gagwe. Re bone monna a sepela, eupša e sego leswao la Bomesia.

¹⁵⁷ Eupša go be go le Samaria. Kafao Jesu, nako ye nngwe tseleng ya Gagwe go theogela Jeriko, o ile go dikologa thaba, “o bile le tlhoko go feta Samaria,” gomme O tlide toropongkgolo e bitšwago Sikara. E be e le botelele e ka ba ka nako ya sekalela, mohlomongwe lefelo se sengwe mo lenaneong la se fa. Gomme O ile sedibeng gomme a dula fase, gomme—gomme a roma barutiwa ntile go hwetsa dijo, dijo.

¹⁵⁸ Gomme ge ba be ba sa le fale, mosadi, mohumagadi yo moswa wa toropokgolo, wa mohuta wa botsebalegi bjo bobe, o bile le bannabagatša ba bantsi kudu, o tlide ntile sedibeng. Nnete, o be a ka se kgone go tla le basadi ka moka, gobane, seo e sa le motlwae, ba ka se kgone go hlakana mmogo. Kafao o tlide ntile go ga meetse. Gomme ge a thoma go theošetša mo—mo moeta, ka mokgoko, go ga meetse, go ga meetse, o kwele segalontšu sa Monna se re, “Mosadi, Ntlišetše seno.” Gomme o lebeletše tikologong, gomme go be go le Mojuda. Gomme o . . .

¹⁵⁹ O swanetše go be a be a lebelelega bogolo gannyane bakeng sa mengwaga ya Gagwe. A ka no ba a be a lebega bogolwane gannyane go feta se A bego a le sona. Le a tseba, ba boletše ka go Mokgethwa Johane 6 fao, gore, “O Monna yo a sego ka godimo ga masometlhano a mengwaga ka bokgale, gomme o rile O bone Abraham? Re a tseba bjale O na le diabolo.” O rile, “Pele Abraham a bile, Ke nna.” Kafao, eupša, Yena, mošomo wa Gagwe—wa Gagwe o swanetše go be o Mo dirile a bogege gannyane mohlomongwe go pudufala gannyane, goba se sengwe. O be a le feela e ka ba masometharo tharo, eupša O be a lebega bogolwane gannyane.

¹⁶⁰ O rile, “O re, Wena go beng Mojuda, gomme o nkgopela mosadi wa Mosamaria? Re na le kgethologanyo. Ga go selo O . . . Re no se kgone go dira seo. O ka se kgone, re swanetše go dira seo.”

¹⁶¹ O rile, “Eupša ge nkabe o tsebile Yo o bego o bolela le yena, o be o tla Nkgopela seno.”

¹⁶² O be A dira eng? A swere poledišano. Tate o be a Mo romile godimo kua, eupša O bile . . . Mo go be go le mosadi; yeo e swanetše go ba nako. Kafao O rile, O boletše le yena go fihla A swere moyo wa gagwe, le a bona? Gomme le a bona, Lentšu le hlatha mogopoloo wo o lego ka pelong, gomme O be a le Lentšu. Ke ba bakae ba dumelago O be a le Lentšu? Nnete. Le a bona? Gomme Lentšu le hlatha dikgopoloo ka pelong. Le a bona?

¹⁶³ O rile, o hweditše se bothata bja gagwe e bilego, bohle re tseba se bjoo bo bilego, bannabagatša ba bantši kudu, O rile, “Sepela o bitše monnamogatša wa gago gomme le tle fa.”

O rile, “Ga ke ne le ge e ka ba monnamogatša.”

¹⁶⁴ O rile, “O boletše therešo. O bile le ba bahlano, gomme yo o dulago le yena bjale ga se wa gago.”

¹⁶⁵ Lebelelang mosadi yola yo monnyane. Le a bona, o be a wele go tšwa dikgopolong tša Modimo. O be a ka kgona go lopollwa. O be a le molatedi. O be a na le kemedi Legodimong. O ile a retologa go dikologa.

¹⁶⁶ Lebelelang phapano gare ga gagwe le bona bareri, baprista ba gagwe. Bona bareri, ge ba e bone, ba rile, “Gabotse, monna yo ke mmolelelamahlatse.” Ba be ba sa tsebe Lentšu.

¹⁶⁷ Lebelelang se a se boletšego. “Re a tseba. Mohlomphegi, O swanetše go ba o le moprofeta. Ga se re be le yo motee lebaka la makgolo a mengwaga. Gomme re a tseba, ge Mesia a etla, seo ke se A yago go se dira.” Oo, nna!

¹⁶⁸ O be a ka kgona—o be a ka kgona go ruta Birmingham se sengwe. O be a ka kgona go ruta lefase ka moka se sengwe. Ee, mohlomphegi. O be a ka kgona go ruta diseminari tše tša thutamodimo se sengwe. Le a bona? “Wa go swana maabane, lehono, le go ya go ile.” Lebelelang, re . . .

¹⁶⁹ “Mohlomphegi, ke a bona gore O moprofeta.” Le a bona, O badile dikgopololo tseo di bego di le ka pelong ya gagwe. O rile, “O swanetše go be o le moprofeta. Re a tseba, rena Basamaria. Re go lebeletše. Go tla tla Mesia. Ga se re be le moprofeta lebaka la mengwaga ye makgolonne. Maleaki o be a le moprofeta wa rena wa mafefelo, gomme o rile go tla ba pulamadibogo. Re kwele ka yena, monna tlase ka—ka Jorodane kua, ‘Ke tla roma motseta wa Ka pele ga sefahlego sa Ka, go lokiša tsela.’ Ke kwele ka yona. Gomme re lebeletše Mesia go tla, gonabjale.”

O rile, “Ke nna Yena yoo a bolelagu le wena.”

¹⁷⁰ Seo se e rarolotše. O ile a ya ka toropongkgolo, a re, “Etlang, bonang Monna Yo a mpoditšego dilo tše ke di dirilego. A yoo ga se yena Mesia?”

¹⁷¹ Bagwera ba ka, ga re ne nako go ya kgojana. Eupša ge yoo e be e le Mesia maabane, ke Mesia lehono, ka gore O a swana maabane, lehono. O hwile gore a dire poelano, go dira dilo tše go phethega, go le fa menyetla ya go goga go tšwa go se A le diretšego. Bjale, elelwang, ge o le modiradibe, ka kgontha o phološitšwe ge Jesu a hwile mo Sefapanong, eupša o swanetše go e dumela le go e amogela bjalo ka phološo ya gago mong—ya gago mong ya sebele. Gomme ge o babja, o fodišitšwe ge Jesu a gobaditšwe ka baka la dikarogo tša rena. Ka megogoma ya Gagwe o fodišitšwe.

¹⁷² Bjale ge A ka be a eme fa bošegong bjo, a apere sutu ye yeo A mphilego, go be go ka se kgone go ba... Ge le be le ka re ka re, “Mphodiše, Morena,” O be a ka se kgone go e dira. O šetše a e dirile. Le a bona?

¹⁷³ Eupša bjale go ka reng ge yo mongwe wa lena a re, “A Jesu a ka kgona go ba ka Birmingham, gona, bošegong bjo?” Ee, mohlomphegi. O tshepištše O tla dira. “O tla ba bjang fa, ka sebopego sa eng?” Moya wo Mokgethwa, seo ke se A lego sona, go swana maabane, lehono, le go ya go ile. O ka sebopego sa Moya wo Mokgethwa.

¹⁷⁴ Bjale ke duma gore nkabe ke bile le nako go lahlela kgopolole ye nngwe gape fa, eupša ka kgonagalo nka se ke. A nke—a nke ke e hwetše, feela thwi ka pela. A le tla—a le tla nkgotlelela metsotso e se mekao? [Phuthego e re, “Amene.”—Mor.] Ga ke nyake go le swarelela thari kudu, gomme la foša dipese tša lena.

¹⁷⁵ Jesu o rile, ka go Mokgethwa Luka tema ya 16, goba tema ya 17, “Bjalo ka ge go bile ka matšatsing a Loto, go tla ba bjalo ka go tleng ga Morwa wa motho.” A O boletše seo?

¹⁷⁶ Bjale šetšang se e bilego. O be a bala Beibele ya go swana re bego re e bala, Genesi 22 goba 19, 20, thwi go bapa ka fale. Hlokamelang, O be a bala Beibele ye e swanago. Šetšang peakanyo ya Loto. Oo, a setšhaba sa go tlala sebe se bilego, a lefelo la sebe! Lebelelang se re lego ka go sona lehono.

¹⁷⁷ Lebelelang se A se boletšego, “Wa—wa—wa—wa sebe le bootswa; wo mobe, moloko wa bootswa o nyaka leswao. Gomme ba tla le hwetša, leswao la Jona a tsošitšwe go tšwa bahung; goba go tsošwa go swana le ge a hwile, ka mpeng ya hlapikgolo lebaka la matšatši a mararo le mašego. Morwa wa motho, leswao la tsogo, moloko wo wa bootswa o tla amogela leswao la tsogo.”

¹⁷⁸ Bjale Jesu o rile, “Bjalo ka ge go bile matšatšing a Loto.” Hlokamelang peakanyo. Go be go le Barongwa ba babedi tlase kua magareng ga Basodoma, ba rera, batseta ba babedi ba bagolo. Go bile le yo Motee a šetšego le Abraham.

¹⁷⁹ Gomme bona ba ba ilego tlase le Sodoma tlase kua, ba dirile maswao. Ba dirile ka eng? Ba rera Ebangedi gomme ba ba foufatša. Thero ya bona beng e dirile batho go foufala. Ge yoo e be e se Billy Graham wa sebjalebjale, ga se nke ka ke ka bona o tee. Ga se ešo gwa ba le motseta, ka go mabaka ohle, yoo leina la gagwe le kilego la felela ka -h-a-m, go kereke. Elelwang, re bile—re bile le Moody, Sankey, Finney, Knox, Calvin, le go ya pele, Billy Sunday, eupša e sega -h-a-m go fihla nako ye; -h-a-m, “tatago ditšhaba.” E fao bjale, le a bona, tlase kua. Lebelelang peakanyo ya Sodoma.

¹⁸⁰ Gomme, elelwang, go be go le Monna yo a dutšego godimo le bona godimo kua, yo Abraham a mmiditšego *Elohim*, Modimo. Hlokamelang se a, ka fao a tsebilego gore O be a le Elohim. O rile, “Abraham, mosadimogatša wa gago o kae, Sarah?”

O rile, “O ka tenteng, ka morago ga Gago.”

¹⁸¹ Bogolo bja mengwaga ye lekgolo. O rile, “Ke ya go go etela, go ya ka tshepišo ye Ke go fago yona, ka nako ya bophelo,” matšatši a mangwe a masomepedi seswai. O be a letetše lebaka la mengwaga ye masomepedi tlhano, bjale. Sarah o masomesenyane gomme o lekgolo. “Ke ya go go etela go ya ka nako ya bophelo.”

¹⁸² Gomme Sarah o ile, “huh,” go yenamong, ka tenteng.

¹⁸³ O rile, “Gobaneng Sarah a segile, gore ‘huh,’ ka tenteng, ka morago ga Ka?”

¹⁸⁴ Abraham o Mmiditše, “Elohim,” Modimo a bonagaditšwe ka nameng ya motho. A eja na—na namane, a enwa maswi go tšwa kgomong, gomme a eja borotho, dinkgwa tša mahea; gomme Modimo a bonagaditšwe nameng ya motho.

¹⁸⁵ Jesu o rile, “Bjalo ka ge go bile bjalo matšatšing a Sodoma, go tla ba bjalo ka go tleng ga Morwa wa motho,” ge Modimo gape a be a tla iponagaša Yenamong ka nameng ya motho.

¹⁸⁶ Gomme, elelwang, leo e be e le leswao la mafelelo. Abraham o bone leswao ka morago ga leswao ka morago ga leswao. Eupša mo go be go le Modimo, nako ye, a bonagaditšwe nameng, gomme a kgoni go bolela se Sarah a bego a nagana ka sona, ka morago ga Gagwe. Yo a tsebilego gore e be e le Lentšu, ka baka la gore Lentšu le hlatha megopolو ye e lego ka pelong. Le a bona? Le a e hwetša? Phagamišang diatla tša lena ge le dira. Go lokile. Le a bona? Bjale, leo e be e le leswao la mafelelo.

¹⁸⁷ Bjale, elelwang, Abraham le sehlopha sa gagwe ba be ba se ka Sodoma. Ba be ba le ka ntle ga Sodoma, e sego ntle kua ka lefaseng lela la kerekeleina; ka ntle ga fao, ntle kua. Le bona leswao le ba nago nalo, melaetša ye megolo ya bohlale? Eupša šetšang leswao le Kereke ye e kgethilwego e nago nalo, Abraham. G-r-a-h-a-m ke ditlhaka tše tshela, lefase, nomoro ya motho. Motho o hlotšwe ka letsatši la boselela; ke tshela. Eupša A-b-r-a-h-a-m ke ditlhaka tše šupago, le a bona, Kereke ye e kgethilwego e eme ntle. Hlokomelang, ba na le leswao leo, Modimo o bonagaditšwe nameng.

¹⁸⁸ Gomme Jesu o rile, bjale šetšang, Luka tema ya 17, ka go . . . “Go tla ba, bjalo ka ge go bile matšatšing a Sodoma, go tla ba bjalo mo go tleng ga Morwa wa motho, ge Morwa wa motho a utollwa.” Gomme, elelwang, ge Morwa wa motho, ka matšatšing a a mafelelo, a dirwa go bonagala go batho ba Gagwe, ka Yenamong a šoma magareng ga batho. Johane, bjalo ka ge go bile ka 14:12, o rile, “Mediro ye Ke e dirago le yena o tla e dira.”

¹⁸⁹ Gomme re tshepišitšwe seo, go bušetša. Segalontšu se sengwe le se sengwe se na le molaetša ka morago ga sona. Gomme Molaetša e bile, “Go bušetša tumelo morago go Tumelo ya setlogo.” Maleaki 4, “Go bušetša morago Tumelo go . . . ya botate,

go batho." Ba arogetše ka go mehuta yohle ya se sengwe le se sengwe, eupša, "Go bušetša morago, gape, Tumelo yela." Molaetša wa iri, ke, "Boelang morago go Lentšu!" Modimo, mo . . .

¹⁹⁰ Elelwang, re lebeletše Morwa wa tshepišo. Gomme re Peu ya Abraham. A yeo ke nnete? Peu ya Bogoši, ka Kriste! Gomme ba be ba lebeletše morwa wa tshepišo, Isaka. Gomme Peu ya bogoši, lehono, re lebeletše leswao la tshepišo. A yeo ke nnete? Morwa wa Modimo yo a tshepišitšwego, go bowa. Gomme . . .

¹⁹¹ Ba bile le mehuta yohle ya melaetša, le mehuta yohle ya dilo Abraham a di bonego. Eupsa feela pele ga morwa wa tshepišo, leswao la mafelelo pele lefase la Bantle le senywa, e bile le: Modimo a bonagaditšwe ka nameng, yoo a tsebilego diphiri tša pelo.

¹⁹² Bjale leo ke leswao la mafelelo leo kereke le Kereke ya semoya ba le hwetšago. Leo ke leswao la mafelelo le kereke ya tlhago e le hwetšago. Gomme lefase la Bantle le tla senywa, gomme o komana bakeng sa yona gonabjale.

¹⁹³ Lefase le šikinyega gohlegohle, ka ditšhišinyego tša lefase. Gobaneng? Lekga la mathomo tšhišinyego ya lefase e kilego ya šikinya lefase ka moka, e bile ka Labohlano le Lebotse. Lekga la mafelelo e le šikintšego, e bile Labohlano le lengwe le Lebotse. Le ile la šikinywa bakeng sa eng? Gobane ba ganne Mesia wa bona. Gobaneng le ile la šikinywa gape? Ba dirile selo sa go swana. Le a bona?

¹⁹⁴ Lebaka la Kereke ya Laodikia. Moithuti yo mongwe le yo mongwe o a tseba gore O be a le ka ntle, a kokota, a leka . . . "Bonang, ke eme mojako gomme ke a kokota." [Ngwanešu Branham o kokota godimo ga phuluphithi—Mor.] Lebaka le nnoši la kereke leo le kilego la Mmea ntle ka go felela. Gomme Khansele ya Mohlakanelwa, yeo e no ba tlwa se le se dirilego, go bopa leswao la sabeta, le go tšea ka kua. Gabotse, ke eng . . . Babedi ba ka sepela mmogo bjang ntle le ge ba kwane? Gomme ka go dira seo, ba ganne Lentšu gape; Le ka ntle. Ebile ga ba kgone go hwetša tirišano, e ka ba kae. Yeo ke nnete tlwa.

¹⁹⁵ O Modimo, eba le kgaogelo! "Jesu Kriste wa go swana maabane, lehono, le go ya go ile."

A re inamišeng dihlogo tša rená.

¹⁹⁶ Morena Modimo, O itsebagatša ka Bowena, ka mabakeng ohle Modimo. O be o le Modimo nakong ya kgale Yo a boletšego le botate ka baprofeta, ka matšatšing a a mafelelo ka Morwa wa Gago, Jesu Kriste; Yo re mo ratago le go dumela, le go tseba gore O a swana maabane, lehono, le go ya go ile, bjalo ka ge A tshepišitše.

¹⁹⁷ Bjale, Tate, lešaba le le bjalo la go makatša, tumelo ye kaone. Go bonolo go bolela le bona. Eupsa, O Morena, a nke tumelo

yela e no šuthela godimo bjale, feela ka go ntikodiko ye nngwe bjale, e gatele thwi ka ntle ga go nagana ga motho. Ba kwele se. Ba rutilwe seo ke badiša ba bona. Ba—ba e letetše, lebaka la mengwaga le mengwaga, go tla. Gomme bjale re a rapela, Tate, gore O tla e dira e tsebje go rena, bosegong bjo, gore ga se O hwe, eupša O a phela go ya go ile; gomme o phela magareng ga batho ba Gago, bjalo ka Lili ka moeding, magareng ga matšoba a mangwe ohle, letšobana le lebotse go dikete tše lesome.

¹⁹⁸ Bjale re a rapela, O Lili ya Moeding, gore O tla tla go rena, bosegong bjo. Dira Bowena go tsebja magareng ga rena, go itsebagatša Bowena ka go lebaka le. Ka gore go tshepišitšwe, ke sa tšo ba botša Lentšu, gore mo matšatšing a mafelelo, bjalo ka Sodoma le Gomora, Morwa wa motho o tla ikutolla Yenamong bjalo ka ge A dirile ka Sodoma le Gomora; pele Morwa wa tshepišo a etla go bakgethiwa, le tshenyego e ttile go ba ba gannwego. Kafao ke a rapela, Tate, gore ba tla kwešiša se. Gomme a nke O tle gomme o boloke Lentšu la Gago, le ke tsebago O tla le dira. Leineng la Jesu. Amene.

¹⁹⁹ Bjale, ke a dumela Billy o rile o file dikarata tsoko. A yeo ke nnete? Phagamišetšang diatla tša lena godimo ge go na le dikarata di filwe. Leletere ke eng go tšona? [Yo mongwe o re, “B.”—Mor.] B. Go lokile, B. A nke ka pela thwi bjale re . . .

²⁰⁰ Ke ya go le kgopela selo se tee, ge le ka no dula go iketla ka kgonthe bjale. Le se šuthe go dikologa. E no re fang metsotso ye lesome. A le tla dira seo? Feela metsotso ye lesome, ge yo mongwe le yo mongwe a ka dula feela go homola ka go phethagala lebaka la metsotso ye lesome. Le se sepele go dikologa. Go lokile.

²⁰¹ A re thomeng go nomoro tee. Ke mang a nago B, nomoro tee? Thwi ka pela bjale, phagamiša seatla sa gago. Ge o sa kgone . . .

²⁰² Monna o be a sepela ka mpetiana, go bona se karata ya gagwe ya thapelo e lego sona, ge e le, le a bona . . . O na le karata ya thapelo? Ga—ga o ne e tee? Go lokile. [Yo mongwe o re, “Ke nne.”—Mor.] Go lokile.

²⁰³ Nomoro tee, a ke e fošitše? [Yo mongwe o re, “Fa.”—Mor.] Goba mohlomongwe re tla thoma felotsoko gape, gona. Go lokile. [Yo mongwe o re, “Thwi fa.”] Oo, ke maswabi. Go lokile. Nomoro tee, nomoro pedi, tharo. Nomoro pedi, phagamela godimo, gobane . . . Emelela ge, wena, ke bitša nomoro ya gago. Pedi, tee, pedi, tharo, nne. [Yo mongwe o re, “Thwi fa.”] Nne.

²⁰⁴ Tlhano. Šetša karata ya gago bjale. Tlhano. Etla thwi godimo fa gomme o tšeet mothalo wo monnyane. Tlhano. Tshela, tshela. Šupa, šupa. Ge o sa kgone go emelela bjale, a nke yo mongwe a phagamiše seatla sa gago, re tla ba kuka. Go lokile, šupa. Seswai, seswai, seswai. Šupa, seswai. Bjale re no . . . Ka kgonthe re kitima nako ya tlaleletšo bjale.

²⁰⁵ Go lokile, seo se lokile, nno mo lesa a dule fale go fihla re eba komana go mmitša, le go no mmea thwi ka mothalong mo a lego wa gona nako yeo. Go lokile.

²⁰⁶ Senyane, senyane. Lesome, lesome. Lesometee, lesometee, lesometee. Ema fale, gona. Go lokile.

²⁰⁷ Ke ba bakae mo ba se nago karata ya thapelo, gomme o a babja? Phagamišetša diatla tša gago godimo. Gabotse, phagamišetša diatla tša gago godimo. Ke ba bakae mo ba ba sa ntsebego, phagamišetša seatla sa gago godimo; ba tsebago gore ga ke tsebe selo ka wena, phagamišetša seatla sa gago godimo. Go lokile. Bjale lebelelang ka tsela ye gomme le dumele bjale. Ke... Yo mongwe le yo mongwe tlhomphokgolo ka kgonthe.

²⁰⁸ Bjale e nong go elelwa, lentšu le tee go tšwa go Yena le tla ra bontši go feta nka kgona go bolela ka nakong ya bophelo bjo lekgolo. Le a bona, nka rera Se. Ke ba bakae ba dumelago gore Yeo ke Therešo? Go lokile. Bjale, ge E le Therešo, Modimo o a tlamega, ge e le Lentšu la Gagwe, yeo ke tshepišo ya Gagwe, O tlamegile go e dira. O tlamegile go tiišetša Lentšu la Gagwe. A yeo ke nnete? Gomme ge A e dira, a le tla e dumela? Le a e dumela.

²⁰⁹ Bjale o ka kgona go re, “Jesu? Ga ke lebelele go dikologa le go Mmona e ka ba kae.”

²¹⁰ Lebelelang, go ka reng ge monna tsoko a sepeletše ka fa ka mabadi a dipikiri diatleng tša gagwe, le—le dilo gohlegohle sefahlegong sa gagwe, le madi, le go ya pele? Moikaketši e ka ba mang a ka kgona go dira seo. Gomme, elelwang, Jesu a ka se tle ka mokgwa woo. Ge A etla ka mokgwa woo, nako e ka se sa ba gona. Go ka se sa ba nako gape, ge A etla ka mokgwa woo.

²¹¹ Eupša gobaneng le ka tseba gore e be e le Yena nako yeo ge A etla? Gobane O tla itsebagatša Yenamong ka Moya wa Gagwe—ka wa Gagwe, leswao la Gagwe, Bophelo bja Gagwe ka go wena. “Ke nna Morara, lena le makala.” Bjale e nong go elelwa le go dumela seo ka pelo ya lena yohle bjale.

²¹² Bjale, wo mothalo wa lena wa thapelo, bohole ba bona fale? Ga—ga ke tsebe, seswai goba lesome. Go lokile, seo se lokile. Etlang fa. Gosasa bošego re tla leka go topa bontši. Yo mongwe le yo mongwe tlhomphokgolo ka kgonthe. Bjale nno ba lesang ba tle, ka o tee ka o tee, ge ba etla.

²¹³ Bjale, lefelo la pele, ke nyaka bohole bao ba lego ka go mothalo wola wa thapelo, bao ba tsebago gore ga ke le tsebe, mothalo wo monnyane wa thapelo mo, yo o tsebago gore ga ke go tsebe, phagamišetša diatla tša gago godimo; o a tseba gore ga ke tsebe selo ka wena, ga ke tsebe selo ka, ga ke tsebe se e lego phošo ka wena, ga ke ne kgopololo. Go lokile.

²¹⁴ Bjale, tlhomphokgolo ka kgonthe, bjale e nong go elelwa moo re emego. Lentšu le badilwe.

²¹⁵ Bjale, elelwang, nka se kgone go fodiša yo motee; ga go motho yo mongwe a ka kgonago go fodiša yo motee. Eupša tumelo ya gago, ka go se e lego Kriste, ke se se dirago phodišo. Bjale ge A ka itira Yenamong go tsebja fa boka A dirile, a itsebagatša Yenamong ka mokgwa wo bjalo ka ge A dirile mo matšatšing a mangwe, a le tla Mo tseba ka seo? Yeo ke tsela e nnoši A boletšego O tla itsebagatša Yenamong. Yeo ke tsela e nnoši A kilego a itsebagatša Yenamong. Gomme O a swana maabane, lehono, le go ya go ile.

²¹⁶ Kafao bjale mosadi šo, feela boka Mokgethwa Johane 4. Jesu o kopane le mosadi mo sedibeng; ke sa tšo šupetša go yena metsotso e se mekae ya go feta. Fa go monna le mosadi. Ga se nke ka ke ka bona mosadi. O ile a no phagamiša seatla sa gagwe, seo, ga se kake ka mmona gomme ga se a ke a mpona, ka fao re basetsebane ka go felela. O no ba le karata ya thapelo, gomme nomoro ya gagwe e diregile go bitšwa.

A o . . . ? [Kgaetšedi o re, “Aowa, o nthapeletše ka Hammond, Indiana. Ke ra, gore, ga o tsebe selo ka bophelo bja ka bja sebele, go le bjalo.”—Mor.]

²¹⁷ O rile, nako ye nngwe ka Hammond, Indiana ke mo rapeletše, eupša, o rile, bakeng sa bophelo bja gagwe bja sebele, ga ke tsebe selo ka yena, ga ke tsebe selo. Ga ke tsebe o mo bakeng sa eng, goba selo. Ka nnete, go na le makgolo a batho ba mo mothalong wa thapelo, bao nka no ba ke bile ka dikopanong, le go ya pele, ka mokgwa woo.

²¹⁸ Eupša ke ra, gore, ke a tseba ga ke . . . Modimo Legodimong o a tseba, Beibele ye godimo ga pelo ya ka, nka se tsoge ka elelw seo, yo mongwe bokgole boka bjoo, yo mongwe o rapeletše mohlomongwe mengwaga ya go feta. Hammond, Indiana, yeo e bile nako ye telele ya go feta, mengwaga ye mentši ya go feta ge ke be ke le ka Hammond, Indiana, mengwaga ye seswai goba lesome ya go feta. Kafao bjale feels . . .

²¹⁹ Bjale ge Morena Jesu a ka nkutollela seo o lego fa bakeng sa sona bjale, seo se tla dirago Mokgethwa Johane 4 nnete tlwa. E ka ba eng e bilego ka pelong ya gago, gona Lentšu le hlatha kgopoloo yeo e lego ka pelong, boka Jesu a dirile mosadi mo sedibeng. A o ka dumela seo go ba therešo gona? [Kgaetšedi o re, “Ee.”—Mor.] O tla dira?

²²⁰ A batheeletši ba tla e dumela go ba therešo?

²²¹ Bjale seatla sa ka sese godimo ga Beibele, gore ga sa nke ka elelw mosadi, nka se be le kgopoloo, gomme o phagamišitše seatla sa gagwe, le yena, ke be nka se tsebe o be a le mo bakeng sa eng. O rile o mpone ka Hammond, Indiana, seo e be e tla ba . . . Wena—wena, yo mongwe le yo mongwe, a ka no ba a be a le fale, bakeng sa tšohle ke di tsebago, Ke be nka se tsebe, feela ka kopanong.

²²² Eupša bjale a nke Morena Jesu a fe se, ge A ka rata. Ga ke re O tla dira.

²²³ Bjale ke tseela moya wo mongwe le wo mongwe ka tlase fa, ka tlase ga taolo ya ka, Leineng la Jesu Kriste. Bjale ebang tlhomphokgolo ka kgonthe.

²²⁴ Ge o se modumedi, nka se go eletše go dula ka moagong, gobane malwetši a ya go yo mongwe. Re tseba seo. Ditlaišego di dira bjalo. Ba bantši ba bile ka dikopanong pele gomme ba bone seo se direga.

²²⁵ Bjale ke no nyaka go bolela le wena boka Morena wa ren a dirile mosadi yola. Bjale, o a bona, o eme fao, o hloka. Gomme, wena, ka kgonagalo o Mokriste. Ga ke tsebe o yena. O tla mpotša ge o le. Gomme, ka gona, ke nna Mokriste. Bjale ke ba babedi, mmogo, monna le mosadi. Gomme, ka gona, Moya wa Modimo mo ka mpho, go go dira o tsebe se o bolelago le Yena ka sona, se o se bolelago. E ka no ba tša ditšelete. E ka no ba tša selapa. Ga ke na le kgopoloye e itšego. Eupša e ka ba eng e lego, o tla tseba ge eba ke therešo, goba aowa, ge A e utolla.

²²⁶ Ke sešo. Ge seo e le nnete, phagamiša seatla sa gago. Bjale o a dumela? Bjale šetšang. O nyaka ke go botše moo sešo se lego? Se ka mogolong wa gago. Ge seo e le therešo, šišinya seatla sa gago ka mokgwa wo. Bjale o a dumela? [Kgaetsedi o re, “Ee, mohlomphegi.”—Mor.] Go lokile. Sepela tseleng ya gago, o no leboga Morena, gore o—o dumela seo.

²²⁷ Etla. Re basetsebane seng sa ren a, ke a nagana, mohumagadi. [Kgaetsedi o re, “Ee.”—Mor.] Ga re tsebane seng, eupša Modimo o tseba bobedi bja ren a. A o a dumela Modimo a ka nkutollela bothata bja gago? A e tla go thuša? [“Ee.”] Go go dira o dumele?

Eba tlhomphokgolo ka kgonthe, tlhomphokgolo ka kgonthe.

²²⁸ Bjale, elelwa, go bile mosadi nako ye nngwe yo a sego a hwetša karata ye e itšego ya thapelo, re tla rialo. O ile go kgabola . . . o kgwathile morumo wa kobo ya Gagwe. Gomme ge a dirile, Jesu o retologile go dikologa gomme o rile, “Ke mang a Nkgwathilego?” A yeo ke nnete?

²²⁹ O be a na le taba ya madi. O rile, bokagare bja gagwe mong, “Ge nka kgona go kgwatha Monna yola, ke tla fodišwa.” Gomme o Mo kgwathile. Gomme o . . .

O rile, “Ke mang a Nkgwathilego?”

²³⁰ Gomme, gabaneng, ebile le Petro o Mo kgadile, o rile, “Seo se tla kwagala boka O be o le bothata bja monagano goba se sengwe.” O rile, “Nna! Gobaneng, yo mongwe le yo mongwe o a Go kgwatha.”

²³¹ O rile, “Ya, eupša ke fokotše. Ke a bona gore bokwala bo tlogile go Nna.” O retologile go dikologa le go lebelela godimo ga batheeletši go fihla A hweditše mosadi yola. Gomme O mmoditše

se taba ya gagwe ya madi e bilego, gore e fodišitšwe. Le elelwa seo?

²³² Bjale Beibele e rile, “Lehono,” a nke badiredi ba re arabele ye, “gore Yena ke Moprista yo Mogolo gonabjale yoo a kgonago go kgwathwa ke maikutlo a mabofokodi a ren.” A yeo ke nnete?

²³³ O no tsea go Yena. E re, “Morena Modimo, moreri yola ga a ntsebe. Gomme a nke ke kgwathe kobo ya Gago. A O ka bolela ka yena?” Ge A swana maabane le go ya go ile, O tla dira ka tsela ya go swana. O ka nameng ya motho bjale, a dira ntle, a lopolla batho ba Gagwe.

²³⁴ Bjale e no rapela bjale, dumela ka pelo ya gago yohle. O se belaele. O se belaele selo se tee. Dumela dilo tšohle. E no dumela ka se sengwe le se sengwe seo se logo ka go wena. Dumela.

²³⁵ Bjale ke nyaka go no—go no kgokagana le moyo wa gago, mohumagadi, go no bolela le wena. A o a dumela gore dilo tše ke therešo? O a dumela gore Morena Jesu a ka nkutollela seo o logo fa bakeng sa sona? Le wena o na le sešo. Seo ke therešo. A o a dumela gore A ka kgonà go utolla go nna fao se logo gona? Se ka go dithaka tša bosadi. Gomme ke thaka efe se logo ka go yona, se ka popelong. Yeo ke nnete. Go lokile. Dumela bjale, sepela, ka pelo ya gago yohle eba le tumelo.

²³⁶ Bjale monna šo. Monna o kile a tla go Morena Jesu, gomme leina la gagwe e be e le Simone, bjale, gomme o ile a bitšwa Petro; Jesu o mmoditše o be a le mang le mo a tšwago, goba go reng ka yona. Bjale ge Morena Jesu a ka nkutollela seo o logo fa bakeng sa sona, a o tla dumela seo? O a tseba e swanetše go ba therešo, ge—ge o tseba ge eba ke therešo goba aowa. Eupsa, wena, o ntumela go ba mohlanka wa Gagwe. [Ngwanešu o re, “Yeo ke nnete. Ke a e tseba.”—Mor.] O a tseba. Ke a go leboga, mohlomphegi. Ke a go leboga. A nke Morena a go thusé bjale go dumela seo ka pelo ya gago yohle.

²³⁷ Ke selo se sennyane se fa, ke be ke no leka go se dira se tatagane gabotse. [Ngwanešu Branham o lokiša setšeantšu—Mor.]

²³⁸ Bjale ge o lebelela ka tsela ye gape. Ee, mohlomphegi. O swanetše go be o lebane le karo bakeng sa go phatloga. Yeo ke nnete. Gape, go tsupuga ga setho, o na le go tsupuga ga setho. A o a dumela nka go botša gore o mang? O a e dumela? O moruti, o mo—o modiredi, gobane ke go bona mo phuluphithing. Gomme leina la gago ke Wallace. Dumela ka pelo ya gago yohle. Modimo a go šegofatše. [Ngwanešu o re, “Yeo ke mengwaga ye masomepedi ya go feta, ka Pensacola.”—Mor.] Gabotse, nna, nna! Go lokile. Eba le tumelo bjale. O se belaele. E no ba le tumelo. Dumela bjale.

²³⁹ Bjale re basetsebane seng sa ren. Modimo o a re tseba bobedi. A o a dumela gore Morena Modimo a ka mpotša se sengwe ka wena, se o logo mo ka sona, goba se sengwe? Ke

mohuta wa go kitima, gobane batho ba—ba pitlagane, le a tseba. Ke . . . A o a dumela gore A ka nkutollela se sengwe sa phošo ka wena? [Kgaetšedi o re, “Ee, mohlomphegi.”—Mor.] O a dira. Gomme o a tseba maikutlo ao a go rathilego, feela nako yeo, a ka se kgone go tšwa go nna. Yoo ke Yena. Go go dira o ikwele kgonthe, boka bobose, boikokobetšo. Gomme, Seo, a o kile wa bona seswantšho sa Seetša sela? [“Ee.”] Gobaneng, Ke tlwa se se lego go go dikologa gonabjale.

²⁴⁰ Bjale mohumagadi o sepelela morago go tloga go nna. O a tlaišega. Ke a mmona, o mohuta wa go golofala. Gomme o na le atheraithisi, yeo e tla . . . Yeo ke nnete. Ge seo e le nnete, phagamišetša seatla sa gago godimo. Yeo ke nnete. Gona gape o na le bothata bja megolo. O tlaišega ka kgokgokgo ya gago. Yeo ke therešo. Gomme ka gona o na le mathata a pelo, dikgamego go tšwa pelong ya gago. Yeo ke therešo, le yona. Ga o tšwe fa. O tšwa go mohuta wo mongwe wa naga moo go nago le bontši bja . . . O tšwa kgolekgole. O tšwa Pennsylvania. Yeo ke nnete, etla tlase fa. Bjale eya gae gomme o fole. Jesu Kriste o a go fodiša, o go dira o fole.

Etla. Eba le tumelo bjale. O se belaеle.

²⁴¹ Bjale le se ke—le se ke la šutha, hle le se ke. Feel a nthathana gannyane bjale, re tla dira, ge le ka no mpha e tee gape, mpheng taba ye gomme ka gona re tla emiša, ge le ka no ntumelela go ba le taba ye. Le se ke la šutha, hle le se ke. Ke a tseba ke le swareletše botelele ka kgonthe. Eupša, le a bona, le moyo, gomme ke no ba ke kgomana le yo mongwe le yo mongwe wa lena bjale. Le a bona? Bjale ebang le tumelo.

²⁴² Ke nna—ke nna mosetsebje go wena. Ga ke go tsebe. Kriste o a go tseba.

²⁴³ Go ne monna o tšwelapele a etla. Oo, ke se, mo—mo monna wa hlogo ye pududu a dutšego fa, o tlaišega ka bothata matolong a gagwe. A o a dumela gore Modimo o tla go dira o fole, mohlomphegi, gomme a go fodiša, ka bothata bjoo bja letolo? Gomme o a dumela gore O tla go dira o fole? Monna thwi ka morago ga—ga setulo sa bagolofadi fale, ge o ka dumela ka tšohle . . . O tlaišega ka bothata bja letolo. Phagamišetša seatla sa gago godimo. Go lokile. O kgwathile Sengwe, a ga se wa ke? O Mo kgwathile. Uh-huh. Yeo ke nnete.

²⁴⁴ E re, gale, mohumagadi a dutšego fale kgauswi le wena, mosadimogatša. O a ntumela, kgaetšedi? Gore ba tsebe e tšwa go Modimo. A o ntumela go ba moprofeta wa Gagwe? A o a ntumela? (Modumo wola go yela . . .) [Tshepedišo ya PA e na le malewaneng—Mor.] O tlaišega ka kgatelelo ya madi. Yeo ke nnete, phagamišetša seatla sa gago godimo. Go lokile, bea diatla tša gago godimo ga gagwe, le wena, gobane ga se a tsoge a e hwetša gabotse kudu. Gomme ka gona o dumela ka pelo ya gago yohle, gomme bobedi le a fola.

Ba kgwathile eng?

²⁴⁵ Fa, mohumagadi o sa tšo swara seo nako yeo. O dutše thwi morago fa, o ne hlogo ya gagwe fase, a rapela. O rapelela Morena go mo fodiša. Se a lego... O a tlaišega, o dutše thwi mo mafelelong a moraladi fale. O na le mogodu wa go phatloga wo a rapelago ka wona. Gomme a o a dumela gore Modimo o tla go fodiša, mohumagadi? Phagamišetša seatla sa gago godimo. Yo monnyane, mosadi wa hlogo ye ntsho a rwelego digalase, yo a bego a rapelela Modimo go mo fodiša.

²⁴⁶ Ga ke mo tsebe, ga se ka ke ka mmona ka bophelong bja ka. Modimo o tseba seo. Ge ke le mosetsebje go wena, šišinya seatla sa gago, mohumagadi. Yeo ke nnete, ga ke tsebe selo ka wena. Gabotse, bjale, o a tseba gore yeo ke therešo, a ga se yona? Go lokile, Jesu Kriste o a go fodiša, ge o ka e dumela.

²⁴⁷ E re, o dutše thwi ka morago ga gagwe, mohumagadi yola a dutšego fale, a dutšego thwi ka morago ga gagwe fale, o a rapela, le yena. E no latela Seetša seo. Ee. A ga le bone Seetša sela se lekeletše thwi fao? Le a bona? Le a bona? Bjale lebelelang. Mohumagadi o bile le karo, eupša se ka kgontha a nyakago Kriste go mo direla ke go tloša dihloga go tloga letsogong la gagwe. A o a dumela bjale gore O tla e dira? Ra... Ee, phagamišetša seatla sa gago godimo. Go lokile. Ge o e dumela, o ka kgona go ba le yona. E no ba le tumelo, gomme o se belaele. Dumela. Ke...

²⁴⁸ Aowa, ke monna ba babedi ba go fapano. Ke naganne, monna yo; ke monna *yo* yo a dutšego fa. A o a dumela, mohlomphegi, o dutšego thwi *fa*? A o dumela ka pelo ya gago yohle? O a dumela Modimo o ya go go fodiša bothata bjoo bja proseteite, go go dira o fole? O na le bothata bja proseteite. Šišinya seatla sa gago, ge seo e le therešo. Seo ke therešo. Tumelo ya gago e go dira o fole, mohlomphegi. Jesu Kriste o go fodišitše. Ga se kake ka bona monna ka bophelong bja ka.

²⁴⁹ A ga le bone gore O mo? A ga le Mo dumele? A ga le bone gore ke Yena?

²⁵⁰ Bjale ema motsotsa feela. Mo... Oo, ya. Ga ke dumele O go boditše selo ka wenamong, a O dirile? A o a dumela gore A ka kgona go e dira? O a dumela gore nka kgona go e dira, ka mogau le maatla a Gagwe? A e tla ba tshepišo ya Gagwe? O tlaišega ka se sengwe sa phošo ka molala wa gago. O bile le go wa, gomme seo ke se se e dirilego. Yeo ke nnete. Eya morago bjale, o ya go fola. Jesu Kriste o go dira o fole.

²⁵¹ A o a dumela, yo mongwe le yo mongwe o a dumela bjale ka pelo ya gago yohle? Bjale ke ba bakae badumedi ba lego fao? Phagamišetša seatla sa gago godimo. Ka moka gohle moagong, godimo. Go lokile, le a dumela. Bjale thwi ka pela... Ka kgontha re, e ka ba gabotse e ka ba seripa sa iri godimo ga nako. Le dira se gonabjale. Jesu o rile...

²⁵² A le a dumela O a swana maabane, lehono, le go ya go ile? A le a dumela O tshepišitše go dira se mo letšatšing le? A le a dumela leo ke leswao la mafelelo le kereke ye e yago go le bona bjale pele ga go tla ga Morena go tšwelela? A le a dumela re thwi mo bofelong, Mangwalo ohle a phethagaditšwe, go lokela go tla ga Morwa?

²⁵³ Bjale Jesu o rile, “Maswao a a tla latela bona ba ba dumelago.” Bjale o bea seatla sa gago godimo ga yo mongwe thwi kgauswi le wena. Bjale, o modumedi. “Maswao a a tla latela bona ba ba dumelago.” Bjale ge A boloka Lentšu la Gagwe, go dira se, O tla boloka Lentšu la Gagwe go dira seo, le sona. Bjale rapelela motho kgauswi le wena. Ba a go rapelela. Le a bona? Bjale o se ke wa ithapelela ka bowena. O rapelela motho; ba a go rapelela.

Bjale a re inamišeng dihlogo tša rena ge re rapela.

²⁵⁴ Tate wa Legodimong, re leboga go bona Mesia yo a tsogilego. Mengwaga ye makgolo a lesomesenyane ya mehuta yohle ya thutamodimo le mesepelo, eupša go le bjalo, ka leswiswing la yona yohle, O tshepišitše gore O tla tšwelela fa mo matšatsing a mafelelo, ka go letšatši le la Sodoma, gomme O tla itira ka Bowena go tsebja go bana ba Abraham, babidiwa, bakgethiwa. Gomme ke Wena yo, bošegong bjo ka morago ga mengwaga ye makgolo a lesomesenyane, O no ba o phela kudu bošegong bjo bjalo ka ge O bile ge O boletše le mosadi mo sedibeng. Ke Modimo a bonagaditšwe nameng, bjale ka nameng ya Monyalwa wa Gagwe, ka gore Monyalwa le Monnamogatša ke nama ya go swana swani. “Ba babedi ba ke batee.” Gomme Kereke e ba Monyalwa, nako yohle, ka go dumela Lentšu, gore Lentšu le Kereke di be go swana. Lentšu ka Kerekeng, go e dira Monyalwa. Leswao la mafelelo, Modimo o itsebagatša Yenamong, Lentšu ka Kerekeng.

²⁵⁵ O Modimo, batho ba ba rego ba a dumela, ba na le diatla tša bona di beilwe yo motee godimo ga yo mongwe. Ba a rapela. Lebelela fase go tšwa Letagong la Gago, Morena, hlokomela. Tiišetša Lentšu la Gago. O rile, “Maswao a a tla latela bona ba ba dumelago. Ge ba bea diatla tša bona go balwetši, ba tla welwa ke maruru.”

²⁵⁶ O Modimo, a nke Sathane a lahlegelwe ke maswaro a gagwe ka go tumelo ya bona bošegong bjo. A nke Modimo a tle ka gare gomme a nke ba tsebe gore O itsebagaditše Yenamong thwi fa magareng ga rena. Gomme Jesu Kriste Morwa wa Modimo o fa le rena bjale, Jesu Kriste yo a tsebagaditšwego a tsogilego, a itira Yenamong go tsebja. Lekga la mathomo A dirilego se ge e sa le mengwaga ye makgolo a lesomesenyane ya go feta, gomme Yena šo bošegong bjo. A nke Sathane a lahlegelwe ke maatla a gagwe; gosedumele ga gagwe go timelela ntla, gomme a nke maatla a Kriste yo a tsogilego a tle ka go batho ba le go fodiša yo mongwe le yo mongwe wa bona. Gomme re lelekela Sathane ntla. Leineng

la Jesu Kriste, a nke a tloge go batho ba gonabjale, gore bohole ba ke ba fole; ge ba sa rapela, yo motee go yo mongwe, ka diatla tša bona di beilwe godimo ga yo mongwe go yo mongwe. E fe, Leineng la Jesu Kriste.

²⁵⁷ Bjale e nong go swarana diatla seng sa lena. Dumelang bjale. Beang dihlogo tša lena di inamišitšwe, mahlo a lena a tswaletšwe. Dumela. Ga ke kgathale moo o lego, se e lego phošo ka wena; seo ga se ne selo se tee go dira. Ge Modimo, ka morago ga mengwaga ye makgolo a lesomesenyane ya go feta, a eme thwi fa, a itsebagatša Yenamong, a tsogile go tšwa bahung; le go tšea batho ba ba hwago le go ipontšha Yenamong, Mesia mo mabakeng ohle, Mesia wa go swana a dira selo sa go swana ka leswao la go swana, O tsogile go tšwa bahung. O tshepišitše O tla e dira feela pele ga go Tla ga Gagwe la Bobedi le tshenyego ya lefase la Bantle! Yena šo.

²⁵⁸ Re tla ya go teba ka go yona beke ye, ge re eya pele. Eupša lena, gabaneng le tlaišega beke ka moka, ge le ka kgona go fodišwa thwi bjale? Yo mongwe o na le diatla tša bona di beilwe godimo ga gago, modumedi o na le diatla tša bona di beilwe godimo ga gago. O boletše Mantšu a: “Maswao a a tla latela bona ba ba dumelago. Ge ba bea diatla tša bona go balwetši, ba tla welwa ke maruru. Ba tla fola.”

²⁵⁹ A o e dumela ka pelo ya gago yohle bjale? Ge o e dumela ka pelo ya gago yohle, le go dumela gore Jesu Kriste Morwa wa Modimo yo a tsogilego, Yena yo a tla go ahlolago Pankeng ya Kahlolo, o mo bosegong bjo ka sebopego le motho wa Moya wo Mokgethwa, gomme o itira Yenamong go tsebja ka leswao la Gagwe la go swana la Lengwalo leo A tshepišitše go le bontšha, le gore O be a phela, Yena šo. Ge o dumela seo ka pelo ya gago yohle, gomme wa Mo amogela bjalo ka mofodiši wa gago, Ke a go laela, ka Leina la Gagwe le ka Leina la Gagwe, gore o eme ka maoto a gago bjale gomme o amogele phodišo ya gago Leineng la Jesu Kriste wa Nasaretha. Emelela, ge o e dumela. Emelela.

²⁶⁰ Seo se kaone. Batho ba tšwa mepetianeng, ba phagamile go tšwa ditulong tša bagolofadi. Gomme seo se a makatša. Bjale e nong go Mo fa tumišo, yo mongwe le yo mongwe. Phagamišetšang diatla tša lena godimo. Bjale ke nako ye le ka kgonago go goelela le go Mo fa tumišo. A le a dumela? Go na le batho go tšwa go setulo sa bona sa bagolofadi, go tšwa mepetianeng ya bona, le mogohle, ba emeletše. A re Mo feng tumišo. Yo mongwe le yo mongwe e no phagamiša diatla tša gago gomme o Mo tumiše. 

64-0409 Boitsebagatšo Bja Kriste Mo Mabakeng Ohle
National Guard Armory
Birmingham, Alabama U.S.A.

NORTH SOTHO

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org